





文苑英華選卷之四十四目錄

啟

賀平澤路啟

杜牧

賀樹國汝南公啟

李商隱

賀高相公諡荆南啟

胡曾

謝集賢相公啟

張玄晏

謝史館裴相公啟

羅哀

謝諸知己第二啟

羅哀

謝范陽公啟

李商隱



謝河東公啟

李商隱

謝京兆公啟二首

李商隱

柳珪謝京兆公啟二首

李商隱

謝辟並聘錢啟

李商隱

寄謝路相公啟

胡曾

謝賚絲布啟

庾信

謝賚袍袴啟

庾信

謝賚米啟

庾信

謝賚乾魚啟

庾信

謝賚馬啟

庾信

謝省豬啟

庾信

謝江陵借宅啟

羅袞

謝賚集賢墨啟

溫庭筠

謝滕王集序啟

庾信

謝趙子新詩啟

庾信

謝太子銘賦啟

許敬宗

謝河東公和詩啟

李商隱

上高長史述和詩啟

李嶠



文苑英華選卷之四十

瀛州 宮夢仁定山 手訂

賀中書門下平澤潞啟

壯收

某啟伏以上黨之地所京洛而履蒲津倚太原而跨河朔戰國  
時秦儀號為天下之奔建中曰田悅名為腹中之限帶甲十萬  
籍土五州太行夷儀為其屬關健馬強兵為其羽翼自逆黨專  
有權及一世頗聞教育實曰精強昨者兇豎專地之請初陳望  
主整旅之詔將下中外遠邇皆疑難攻蜂蠆螳螂頗亦自負伏





相公上符神斷潛運廟謨仗宗社威靈驅風雲雷電掌上必  
取馭中難逃纔逾周星果梟逆首周公東征之役捷至三年靈  
皇淮葬之師克聞四歲較鹵寇之強弱曾不等倫考攻取之敗  
亡何至容易若非睿算英略借箸深謀比之前修一何遠出自  
此鞭笞反側灑掃河湟大開明堂再振儒校窮天盡地皆爲壽  
域之人赤子秀脣共老止戈之代某謬分符竹實幽恩知慶忻  
歡忭之誠倍百常品不宜謹啟

賀相國汝南公啟

李商隱

某啟日者慶屬中興運推常武仰窺金版遐考瑤圖順祖之孝  
思丹青曾閱憲皇之武力刀凡彭韓聖上初九潛淵登三佩契  
以�稷岐嶷爲小慧故人莫得知以漢皇雲物爲不祥故神無  
函豫洎涉元后洪惟長君固必降非常之人輔惟新之政伏惟  
闕事昭回降彩沆瀣融精往執靈鈺正星辰之分野今調鏤鼎  
猶日月之得天昔軒后師臣成王畏相殷奉伊尹則謂之元聖  
周事呂尙則命爲太公此王者之所以尊賢傑而不以爲疑也  
至於姬旦金縢不與燕召同列仲尼麟史不令游夏措辭甘盤



尊舊學之名夷吾居仲父之位此又賢傑之所以自負其道而  
不以爲讓也上下交感人祇叶從是我后夷姦秉哲之辰是閔  
下宰物康時之夕清廟係心矣蒼生延首矣允也無間樂哉惟  
詩某早奉輝光嘗蒙咳唾牛心致饗塵尾交談而契闊十年流  
離萬里扶風歌則劉琨抱膝白頭吟則鮑照撫膺重至門闥空  
餘皮骨方從初服無補大鈞穿履弊衣正同北郭稟項黃馘乃  
類曹商未知伏謁之期徒切太平之賀無任忭賀踴躍之至謹  
啟

賀高相公除荆南啟

胡曾

天以相公承家業峻開國勳高術妙六奇圖八陣生民皎日  
主迅雷才成破趙之功旋告下齊之捷故荷宸宣破竹力號  
崑山弛張七德之間舒卷五車之內東周之盛厥居沸鼎之中  
西蜀蒸民悉在春臺之上蓋由人事豈屬天監昔漢蜀韓信而  
興楚失陳平遂滅今者江騰海沸山動岳搖告累卽之危  
淮楚陳剖胎之難赤眉卷地黃巾滔天公侯無運合之才藩鎮  
迂縱擒之術若不預咨賢哲早託英雄則何冀魚遊宋池燕巢  
衛幕崑岡火發玉石俱焚歷陽水來智愚同陷難思善膽何補



瞻臍且擘斷華山宜假巨靈之力決平洪水須憑大禹之才是  
以上自一人下同百辟僉云非相公不能定荆楚非相公不能  
結貨泉既無易於肩堯遂有成於命說伏冀卽離犀浦遽赴龍  
宮鎖唐堯旰食之憂解黎庶倒懸之急某家在湖外卽出關中  
遂假道於荆關獲起居於梅鼎仰將軍之大樹敢議營巢窺丞  
宰之巨川唯希在藻伏惟照鑒

謝集賢相公啟

張玄晏

某啟某今日伏奉恩旨宣召充職翰林者出鈞鎔之巨力收居  
椽之小材拔自塵泥驟升霄漢撫已實知其忝越銜恩載切於  
屏營某洛下諸生朝中孤宦進取本無其聲援歸休又迫於鞫  
離既碌碌以經時亦優俛而度日伏蒙相公十九兄殊常降德  
不次施恩生暖甲於枯荻化豐肌於朽骨出諸陷穽置在門闥  
絳鶴羽於寒鴝教之鸞翥蒙虎皮於下駟抑以騰驥但自捫心  
何階報稱專詔誥教令之事爲言語侍從之臣內顧屏微益  
深榮懼唯永竇肝膈長託鑑錘但當有命以酬固亦無言可



謝講殿

某啟伏以洪鈞播物已在生成朗鑑通幽寧期照燭伏以相公  
二十五丈熙朝德茂軌世才高發言爲褒貶之經迴顧是寒暄  
之律自叨洪獎愈切寵驚近又見戶部王侍郎伏知造化玉夫  
不遺纖草丹青潤色偏及偶人輝華而賤質增榮感激而雄辭  
有淚實以袞家殊弁冕業繼詩書卷懷於盛壯之時浮泛於衰  
遲之日詞科入仕尋周一紀之星諫署升朝亦改四年之火雖  
復毛慙腹背角困藩籬曷嘗不砥礪公方琢磨文術竟以長沙  
地窄難呈宛轉之姿南郡鬼逢每受椰榆之恥俄消剗道顯自

謝史館裴相公啟

羅袞

某啟伏以洪鈞播物已在生成朗鑑通幽寧期照燭伏以相公  
二十五丈熙朝德茂軌世才高發言爲褒貶之經迴顧是寒暄  
之律自叨洪獎愈切寵驚近又見戶部王侍郎伏知造化玉夫  
不遺纖草丹青潤色偏及偶人輝華而賤質增榮感激而雄辭  
有淚實以袞家殊弁冕業繼詩書卷懷於盛壯之時浮泛於衰  
遲之日詞科入仕尋周一紀之星諫署升朝亦改四年之火雖  
復毛慙腹背角困藩籬曷嘗不砥礪公方琢磨文術竟以長沙  
地窄難呈宛轉之姿南郡鬼逢每受椰榆之恥俄消剗道顯自



明恩霖施而籀澤生流。瑞降而枯條更肆，得不乘風奮力，擗朽申勞。依魯相之門牆，永隨車豎。仰殷宗之左右，長奉鼎梅。無任日夕兢惶，生死銜戴之至。謹啟。

謝諸知己第二啟

羅 袞

某啟。某操行無奇，文章匪贍。拾遺左右三年，未望於轉遷。約史春秋，五夜寧通於夢想。斯亦孤單雅分，頑魯自宜。忽踐履於清華，諒因依於賢達。伏以某官優容下位，獎進微才。苟君之日月，在躬道存瞻矚。王氏之風塵，外物榮遂。品題故得譽徹，中台名聞。東觀遽躔，彌縫之地。仍叅著作之庭，祇奉寵光。若臨泉谷，靜循叨竊。實自門牆，敢不求抱。兢銘涖虞，負累以當官。而瀆忝用舉職，以酬知求。女媧鍊石之方，潛裨碧落。就太史藏山之筆，試學青編。尚覬宗師更傳規矩，無任攀戴。覲汗之至。謹啟。







謝河東公啟

全臺未離步前之臺也夢前此之月若二所歸白首賦說升掛  
對來升上舜興成譚之製平只今榮里聞交與音和卦慕思  
寶雷宜亦另宗豈意非木武業區離未至思古到之世以之譽  
三細文益單心并掛思之縷門險險百散隨韓道之寸此本  
起蓋添上職之假前謝淇文鼓鼓不丑忠尚書學際百空謂論  
某地其器以婚開前承嘉命與囊臣劍未誠可容之節五賦開  
謝河東公啟

謝河東公啟

李商隱

商隱啟伏奉手筆猥賜奏署某少而孱儒長則艱屯有志爲文  
無資就學雖雜賦八首或庶於馬遷而讀書五車遠慙於惠子  
契闊湖嶺淒涼路岐罕遇心知多逢皮相昔魯人以仲尼爲佞  
淮陰以韓信爲怯聖哲且猶如此尋常安能免乎是以長背却  
行求心自處羅含蘭菊仲蔚蓬蒿見芳草則怨王孫之不歸撫  
高松則歎大夫之虛位不可終否屬於高明伏惟尚書春日同  
和秋霜共冽叔子則九代清德稚春則七葉素儒君子立言求  
爲周禮正人得位長作歲星今者初涉將壇始敷賓席射江與



壤潼水名都俗擅繁華地多材雋指巴西則民皆譙秀訪臨邛  
則客有相如舉繼繳以下冥鴻執定鏡而求西子唯所指命便  
爲丹青若某者又安可炫露短材叨塵記室鹽車款段徒逢伯  
樂而鳴土鼓迂疎恐致文侯之臥承命知忝撫懷自驚終無諭  
蜀之能但誓依劉之願未獲謁謝無任感激攀戀之至謹啓

爲河東公謝相國京兆公啟

李商隱

某啟今月某日得當道萬安驛狀報伏承遣兵馬使陳朗賫幣  
帛鞍馬辟召小男者未敢尋盟遽茲聞喜遐瞻關闔恨乏羽毛  
伏以自有縉紳誰無交結朋友不全素諾在古殊多父子同受  
深知當今罕見豈期命德圖於所難男珪曾未成人纔沾下第  
辨仲謀之救麥雖則有餘况安石之芝蘭竊將不可忽依太府  
便廟英僚東吳之哈恐自此始西園之讌未知如何此皆相公  
以某謬接藩維久依繩墨克降由衷之信將酬事大之心不然  
則安得拔童子於舞雩禮諸生於社身枝獲慶城府知歸感



激恩光丁寧教誠未言銘鏤尙昧端倪伏俟簡書來至弊邑則  
專請張覲評事奉申啟狀慕義無窮措辭莫盡攀附惶戰不能  
究陳謹啟

爲河東公謝相國京兆公啟

李商隱

其啟伏奉榮示伏蒙辟署某第二子前鄉貢進士珪充攝劍南  
亞川安撫巡官并賜公牒舉者某去月得楊侍御書題徵傳風  
言初如吉夢終謂戲談非不尋思莫得端緒今乃竟詢伸訖果  
降嘉招伸紙發緘悸魂流汗何者某頃居班列已奉陶甄口裏  
雖黃屨加彫煥芻中雲夢過沐涵濡振之以順風煖之以愛日  
茲辰議報不在他門一昨叨裂土田謬分旗蓋適當東道復事  
西鄰豈望信在言前榮流意外坤維接眄何酬上相之知坎卦  
成占遂報中男之喜且渠譽乖郅桂名愧謝蘭未學周南名南



纒得一科一第縱解開網不能負薪將何以與先生並行從大  
夫之後仰塵帷幄佇雜簪纓况襟帶異同咽喉巴濮求於安撫  
必也機謀深慮異時莫副虛佇然竊尋史傳所載語父子之間  
雖石苞獨異石崇而山濤不知山簡亦安敢保其屏陋遠遣退  
藏但當授以一經訓之大杖庶將寡過以謝明恩染翰銜情封  
牋寫抱小人多事拜台席以猶賒童子何知上賓階而在卽瞻  
望闕闈死生以之伏惟深賜鑒信謹啟

爲柳珪謝京兆公啟

李商隱

某啟散兵馬使陳助至伏奉榮示兼奉公牒伏蒙名署攝成都  
府參軍充安撫巡官者師襄鼓缶或近玩人和氏披珉能無驚  
物跪受高命莫知所裁某藏豹不堅雕龍未巧徒承庭訓遂廁  
人曹比倫家之一兒天懸鵬鷲望鄉中之七子風逸馬牛已忝  
決科敢思筮仕伏惟相公以仁義禮智信爲基構用溫良恭儉  
讓爲藩籬堯時則業貫夔龍殷代則道符尹說入秉文教出曜  
兵權揮神鋒而劔合陰陽迹雅誥而筆開造化况天有井絡地  
稱坤維控三巴百濮之雄帶南詔西山之險人稱輿府帝謂殊



藩固已廣集豪英用資叅佐璫簪珠履綠水紅蓮咸籍籍於淮  
山致憧憧於燕路若某者徒將慕藺何足望回又安敢拂其塵  
埃加以冠屨伏思相公道以大人頃居班列獲奉恩私羅照乘  
於驪淵覬歸昌於鳳穴未見其可處之不疑曾不念木朽石頑  
雕鐫莫就榆暝豆重性分難移古人以榮爲憂受恩如敵斯言  
之作珪也有焉今月六日辰時輒奉碎書具聞晨省仰承嚴旨  
便定行期而又內奮弟兄外誘交友傳翼類虎生角如麟事誠  
實於顯榮勢莫知其報效尙須旬日方拜旌旄唯當洗心爲齋  
延頸以望持千尋之建木想像瓌姿周萬頃之激波比量曠度  
戴恩揣已授命依仁神之聽之百生如一謹啟



爲柳珪謝京兆公啟

李商隱

某啟伏蒙榮示賜前件衣服束絹等謹依處分捧授訖伏以大人自處通珪彌修儉德田園唯恐蕪沒子弟不免饑寒去春成名首秋歸覲雖才非張載未刊劔閣之銘而志慕胡威敢問荆州之絹豈謂相公復以簡書名署筐篚加恩古者贖百里奚纔特五穀誚程不識猶惜一錢况某碌碌無奇庸庸自守敢邀厚幣來自雄藩品目難名珍織可玩仰李膺之德尙未登門讀載聖之書已驚潤屋無任戴荷悚懼之至謹啟



爲同州張評事謝辟并聘錢啟

李商隱

潛啟伏奉榮示，猥賜奏署。今月某日，敕旨授官，承命恐懼，不知所措。某文乖綺繡，學乏縑緗，負米東郊，止勤色養，獻書北朔，未奉明恩。撫京洛之塵，素衣穿穴，訪江湖之路，白髮徘徊。大夫榮自山陽，來臨沙苑，固已室盈東箭，門咽南金，豈謂搜揚，乃加辱眇。府稱蓮沼，慙無倚馬之能，地號雲門，竊有化龍之勢。便居帷幄，遠別蓬蒿，袁生有望於樵蘇，楚子永辭於藍縷。刻諾肌骨，知所依歸，伏惟特賜鑒察，謹啟。







頭背馳鷄首如升青昊似入玄都不知劔閣之艱豈覺刀州之  
遠伏惟相公神資重器天縱偉才邦國金城朝廷玉燭文高庾  
月詞峻謝山纔見紫髯便居黃閣陶鈞百辟啟沃一人議平吳  
皓之時雖云推局報破秦堅之日不廢圍碁故能早執化權久  
司政柄今則暫辭龍闕來鎮龜城將軍之細柳雖新丞相之鹽  
梅仍舊不煩壯士自伏雄圖揚麾而氛祲晨銷按節而妖星夜  
落劉焉原野昔爲累卵之鄉杜宇山河今作覆盆之地曾實慙  
孤陋叨沐招延鄭驛將窳燕臺漸近那能倚馬妄竊攀龍仰天  
上之程途已親台席指人間之岐路尙感客星披霧非遙拜塵  
在卽



謝趙王賚絲布啟

庾信

某啟奉教垂賚雜色絲布三十段去冬沍閉今春嚴凝露似瓊  
山凌如鹽浦張趙之壁未足障風袁安之門無人開雪覆鳥毛  
而不暖燃獸炭而逾寒遠降聖慈曲垂矜賑諭其蠶月殆罄桑  
車幸費乘杼幾空織室遂令新市數錢忽疑敗綵平陵月夜驚  
聞擣衣妾遇新練自然心伏妻聞裂帛方當含笑莊周車轍實  
有涸魚信陵鞭前元非窮鳥仰蒙經濟伏荷深慈謹啟







謝趙王賚米啟

漢 陸

丹烏銜糈。旣集西周。黃雀隨車。還飛東市。漬而爲種。不無霜雪之精。取以論兵。卽有山川之勢。某陋巷篔簹瓢。櫛風沐雨。剝榆皮於秋塞。掘蟄燕於寒山。仰費國租。遂開塵飯。非丹竈而流珠。異荆臺而炊玉。東方朔之捧米。旣息長饑。西門豹之墾田。方慙此賚。



謝趙王賚乾魚啟

庾信

某啟。蒙賚乾魚十番。醴水朝浮。光疑朱籠。文鱗夜觸。翼似青鸞。  
况復洞庭鮮鮓。溫湖美鯽。波瀾成雨。鱗甲防寒。某本吳人。常想  
江湖之味。及其饑也。唯資藜藿之餘。慈賚渥恩。膏腴流寵。不勞  
獅子之亭。卽勝雷池之長。翻驚河伯。獨不受人。足笑任公。終年  
垂釣。謹啟。







謝滕王賚豬啟  
某啟。奉教垂賚肥豕一腔。白腹見珍。度遼東之水。赤欄爲重。對  
襄陽之城。忽降全恩。謹充炮烙。孫弘牧於淄水。唯以求錢。卜式  
養於上林。豈知其味。謹啟。

謝滕王賚豬啟

庾信

某啟。奉教垂賚肥豕一腔。白腹見珍。度遼東之水。赤欄爲重。對  
襄陽之城。忽降全恩。謹充炮烙。孫弘牧於淄水。唯以求錢。卜式  
養於上林。豈知其味。謹啟。



謝江陵借宅啟

羅 哀

某啟伏以袞荒扉夙掩葦路今飄雖曳裾果在於朱門而握髮  
何妨於白屋伏蒙令公獎以來能擇地去俟朝天恐馬援之災  
氛寧逃漏濕念揚雄之風雨須託旰幘特借華居俾安滯迹况  
復牀分上下器備圓方障錦飄紅則主客被繡幕雲浮翠則木  
鮮呈材愛忽異於吾廬誤將同於君室遂得彌寬後后更盡依  
劉宛如夫子之牆不在隸人之館揣循涯分忭戴恩光家雖喪  
而徇己如歸關欲度而難何難學館開碣石略爲鄒衍之身臺  
認章華永荷楚王之德無任感遇激切之至伏惟俯賜鑒察謹







玉硯捧授榮佩不任下情謹啟

謝滕王集序啟

庾信

某啟伏覽制垂賜集序紫微懸映如傳闕里之書青鳥遙飛似  
送層城之塵若夫甘泉宮裏玉樹一叢玄武闕前明珠六寸不  
得譬此光芒方斯照燭有節有度卽是能平八風愈嚙愈高殆  
欲去天三尺殿下雄才蓋代逸氣橫雲濟北顏淵關西孔子譬  
其毫翰則風雨爭飛論其文采則魚龍百變蒲桃繞館新開碣  
石之宮修竹夾池始作睢陽之苑琉璃泛酒鸚鵡承杯鳳穴歌  
聲鸞林舞曲况復行雲逐雨迴雪隨風湖陽之尉旣成爲喜之  
因春陵之侯便是銷憂之地某本乏材用無多述作加以建業



陽九劣免儒。劓江陵百六。幾從士隴。至如殘編落簡。竝入塵埃。  
赤軸青箱。多從灰燼。比年痾恙。彌雷光陰。視息桑榆。已逼蒲柳。  
方衰不無秋氣之悲。實有途窮之恨。是以精采。瞽亂頗同。宋玉  
言辭。蹇吃更甚。揚雄一吟一詠。其可知矣。好事者不求知音者  
不用。非有班超之志。遂已棄筆。未見陸機之文。久同燒硯。至於  
凋零之後。殘缺所餘。又已雜用。補袍隨時覆醬。聖慈憐愍。遂垂  
存錄。始知揄揚。過差君子。失辭比擬。縱橫小人。迷惑荆王。抵鵠  
正恐輕用重寶。龍淵削玉。豈不徒勞神慮。匠石廻顧。朽材變於  
梁。孫陽一言奔蹄。成於駿馬。故知假人。延譽重於連城。借人

羽毛。榮於尺玉。溟池九萬里。無踰此澤之深。華山五千仞。終愧  
斯恩之重。卽日金門細管。未動春灰。石壁輕雷。尙藏冬蟄。伏願  
聖躬。與時納豫。南陽寶雉。幸足觀瞻。鄜縣菊泉。差能延壽。伏惟  
至鄴可期。從梁有日。同杞子之盟會。必欲瞻仰風塵。共薛侯而  
來朝。謹當逢迎冠蓋。魚腸尺素。鳳足數行。書此謝辭。終知不盡。  
謹啟。











新成若神化之工。光乎性道之製。蓋由基天挺禘。纂聖凝離。故  
能靈古超前。納卿雲於度內。逾儔絕侶。括詞誦於胷中。臣等忝  
膺殊私。曲蒙垂示。見所未見。情百和情。無任鳧藻之懷。上啟陳  
謝謹啟

謝河東公和詩啟

李商隱

商隱啟。某前因暇日出。次西溪。旣惜斜陽。聊裁短什。蓋以徘徊  
勝境。顧眷佳辰。爲芳草以怨王孫。借美人以喻君子。思將璠瑁  
爲逸少裝書。願把珊瑚與徐陵架筆。斐然而作。曾無足觀。不知  
誰何仰達。尊重果煩屬和。彌復驚惶。某曾讀隋書。見楊越公地  
處親賢。才兼文武。每舒錦繡。必播管絃。當時與之握手。言情披  
襟。得侶者惟薛道衡一人而已。及觀其唱和。乃數百篇。力鈞聲  
同德鄰。義比彼若。陳葛天氏之舞。此必引穆天子之歌。彼若言  
太華三峰。此必曰潯陽九派。神功古迹。皆應物無疲。地理人名。



亦爭承不缺後來酬唱罕繼聲塵嘗以斯風望於哲匠豈知今  
日屬在前天坐席行衣分爲七覆烟花魚鳥置作五衡詎能狎  
晉之盟實見取郃之易不以擊鼓惠莫大焉恐懼欣榮投措無  
地來日專冀謁謝伏惟鑒察謹啟

上高長史述和詩啟

李嶠

某啟近於錄事參軍杜延昌處伏見公秋月遙想洛城十韻之  
作曲中之妙傳乎郢客之聲天下之珍得自隋侯之掌鳳鳴六  
呂誰又九光駭屬奇觀相趨動色若乃政理餘隙翱翔多暇臨  
八水之高秋企三河之上國衣冠濟濟入青瑣而步丹墀車馬  
謹謹下銅衢而赴金谷人物仙舟之會風塵俠客之遊莫不屬  
想心目託情謠詠九迴靈府遙馳雨露之郊千里神畿近接風  
雲之思雕文將錦繡同美惠氣與芝蘭等節用懸秦肆應輕呂  
氏之金持入周京卽貴洛陽之紙足使兩都賓主羞談翰墨二



陸兄弟恥論詞賦死者可作賈生爲入室之徒來者難誣潘子  
得扶輪之地某學異通敏才非沈鬱刀筆爲吏趨馳之歲月已  
多黼藻成文雅頌之風流尙缺平原從者終慙入楚之遊闕里  
門人空積後陳之歎徒以風承光彩早延提拂曾將薄伎見知  
思以庸音自效輒忘固陋敢有和歌登卞肆而論寶入夔門而  
撫節擬託非倫揣摩增觀謹啟

文苑英華選卷之四十一目錄

啟

上皇甫常伯啟二首

王商勅

上司徒太常伯啟

駱賓王

上崔相國啟

李商隱

上翰林蕭侍郎啟

李商隱

上宰相啟

溫庭筠

上首座相公啟

溫庭筠

上河東公啟二首

李商隱



端午日上劔啟

李商隱

獻集賢相公啟

李商隱

獻韓郎中啟

李商隱

投永寧李相公啟

羅隱

投戶部鄭員外啟

顧雲

投西邊節度使啟

顧雲

寄彭城公啟

李商隱

謝鄭長官啟

羅隱

文苑英華選卷之四十一

瀛州 宮夢仁定山 手訂

上皇甫常伯啟

王勃

某啟一昨奉命令寫新對臺策及前後舊文謹馮國士之恩敢  
進輿人之頌竊以龍鑣就路駑駿相懸鵠鏡臨春妍媸自遠亦  
有飛霜匝地蘭蕭銜共盡之悲烈火埋岡玉石抱俱焚之慘然  
則知音罕嗣流水空存至寶不同荆山有淚君侯飾揚芻議提  
獎蕪詞白圭成再見之榮黃金定一言之重鵬騰既接仰雲選



而將趨龍阪可登指星臺而有望循襟佩德無事知恩山岳有  
輕河漢無極謹啟

上皇甫常伯啟

王勃

某啟自恭陳薄伎祇奉話言咳唾成恩盼睠爲飾征夫擊節方  
思孤竹之風壯士寒心實有長楊之作謹馮巖命輕呈乾元殿  
頌一首將冀導江至海常以筆札見知南館西園遂與簪纓爲  
伍德雖無盡攀驥尾而方遙生也有涯比鴻毛而非重謹啟



詩  
賦一首

思慮  
其短自  
上皇

上  
司列太常伯啟

駱賓王

某啟側聞魯澤祥麟希委質於宣父吳坂逸驥實長鳴於孫陽  
是則所貴在乎見知所伸由乎知己故雕其樸嶧陽有半死之  
桐賞其聲柯亭無永枯之竹伏惟太常伯公儀天籟幹橫九霄  
而拓基浸地開源控函紀而疏派自赤文薦祉曲阜分帝子之  
靈紫氣浮山函谷誕真人之秀本文百代君子萬年道叶神交  
黃石授帝師之略德優天縱白雲降王輔之精至若峰秀學山  
列三墳而仰止瀾清筆海疏四瀆以飢宗登小魯之岳辨練光  
於曳馬臨大吳之國識寶氣於連牛垂秋實於談叢絢春華於



詞苑辯河飛箭激流翻白馬之津文江散珠圓波激驪龍之穴  
是用德茂麟趾削桐葉以分珪道煥鴈池映桃花而曳綬旣而  
揆雷皇鑿忠簡帝心奉職春宮燦離光於青殿代工天府明台  
曜於紫宸綜理玄風變詰元氣合眸禮閣皎愛日以流光散彩  
文昌映德星而開照若乃識度弘遠器宇疎通明允篤誠盛業  
隆於厚土惠和忠肅玄功格於上天則伊陟謝其緝熙巫咸慙  
其休又舉才應器與士無私水鏡激華炫金波於靈府冰壺澈  
懸朗玉燭於神機則鄧攸莫際其瀾盧毓罕窺其術故使妍媸  
各安其分輕重不失其權五效克敷百揆時序折衝千里魯連  
談笑之功師表一時郭泰人倫之度加以分庭讓士虛坐禮賢  
片善經心揖仲宣於蔡席一言合道接然明於鄭階賓王蓬廬  
布衣桑樞韋帶自弱齡植操本謝聲名中年誓心不祈聞達上  
則執鞭爲仕王庭希干祿之勞次則捧檄入官私室庶代耕之  
願然而忠不聞於寸室學無專於一經退異善交進殊巧宦博  
羊角而高翥浩若無津附驥尾而上馳邈焉難託實欲投竿垂  
餌晦幽迹於涓濱抱甕灌園絕機心於漢渚幸屬乾坤貞觀烏  
兔光華嵩山動萬歲之聲德水映千年之色雖無爲光宅欣預  
比屋之封而有道賤貧恥作歸田之賦於是錫來蕃牘利見金



門指帝鄉以望雲赴長安而就日美芹之秀徒願獻於至會蟠  
木之姿誰爲容於左右明公惟幾成務論道經邦一顧之隆駘  
足踰於仙鹿片言之重魚目映於靈虵庶望顧兔離箕動薰風  
於舜海從龍潤礎霈甘雨於堯雲則鱸餘之魚希振鱗於吳水  
膳後之豕翻化龜於魯津趨拜階庭增其冰谷謹啟

爲同州任侍御崔相國啟

李商隱

憲啟憲質異楚材寶同燕石重以羈巾卽下閔凶瞻遺構以闕  
然不堪多難奉成書而未就無處求生藐是流離屢經寒暑迄  
於旣冠猶恤無家叨承師友之規獲忝簪裾之列此皆相公推  
孔季之素分念國高之舊家鏤朴雕頑披韞扶臆沐膏雨以今  
槌假順風而使飛不然則安得獲驪龍之珠假獬豸之角榮皆  
過望感豈勝言而徇長仰下風徘徊高義望賀燕以難去撫棲  
鳥而不寧者蓋以相公以伊臯之事業佐大君以揚馬之文章  
輔昌運一登宣室遂借前籌以有征無戰之方彰明下武以永



逸暫勞之勢。恢拓中華。不舞梯。不鳴金鼓。復數千里之沃野。  
刷十五聖之包羞。彼圍穀而穀人不知。入鄭而鄭陣皆哭。方茲  
決勝。彼有多慙。百戰事修。九功咸敘。萬國作登封之禮。五山傾  
望。幸之祥。鰲至。鶴來。茅歸。楛入。馳湯驟夏。轆漢陵周。若憲者。雖  
不能行舞舜戈。坐耕堯壤。至於獻千載河清之序。裁二王助祭  
之詩。歌詠相庭。發揮帝載。則其志願亦或庶幾。伏希孫閣時開。  
邠苗多恕。克懋山公之德。終全趙氏之孤。擁篲瞻門。封函卽路。  
苑沙宮樹。雖吟左輔之風。煙良夜慶霄。唯望中台之晷。度感恩  
撫已誓。志投誠仰。惟輝光終賜。埏埴無任感激。攀倚惶戀之至。  
謹啟



爲舉人上翰林蕭侍郎啟  
某啟某聞師曠之琴不鼓之則無以召玄鶴楊羲之石不用之則無以聘應龍物既有之言亦由是伏惟侍郎學士網緼降秀翁嗣資華天璽比方但有文星粗爾人間議擬未將秦華爲然爰自妙齡遂膺名輩當時人物何數惟效於稽公邇日風流杜又難方於衛玠加以弘成與石郭璞傳毫漢水儻來皆逢藻繪荆峰若至則有璆琳合沓縑緗縱橫筆視三都作序不勞皇甫士安萬乘馮魯只許東方曼倩况從近歲且有外虞傳介子在樓蘭國中奇功未就班仲叔於玉門關外報命猶賒雖太平之



業已降而震耀之威尙作侍郎又綢繆武帳密勿皇圖九地九天之兵寧因舊學七縱七擒之術固已玄通用視草之功解按紉之怒手爲天馬心繪國圖九重之中暫煩前箸萬里之外輒敢衛車位誠在於論思功已參於鎮撫圖書之府鼎鼐之司伊臬懸遺悵之誠夔說賄妨賢之愧載惟後命夫豈踰時抑某又聞之昔管仲經邦賓客有二周公待士吐握皆三邴丞相之車隨寧彈醉客平津侯之賓館不礙布衣却脂粉簡編冠纓圖史表之披卷皆若升堂侍郎美譽旁流高節彌折擔簦者咸市蹠者如雲此乃前賢後賢不殊軌轍往哲來哲非異門牆纒燕有黃金之臺齊爲碣石之館料其棟宇必已荒蕪若某者陋若左思醜同王粲鬚眉不及於崔琰腰腹無預於鄭玄若值庭蘭固多慙德如逢雷電不望齊名重以慧劣禰生專非董氏殊顏阿之易鑄若宰我之難雕徒欲萬卷成披且乏五行俱下叨從歲賦勉致文編戶戶醬醎唯聞見辱人人齋白不肯畱題再困於魚登一慙於鴈序然天付直氣家傳義方雖在顯蒙不苟述作廣絕交之論抑有旨焉移太常之書非無爲也頃者曾干闕侍獲拜堂皇旣容納之有加遂希望之滋甚後以毛傷從彈鱗損在鉤拔刺不遷噉嚼無暇旣乖受教便復經時今孝秀員來



風霜已積秦人屢出自欲焚舟楚卒數奔誰教拔旆是以更持  
魚目當夜肆以沽諸復擊豚蹄祝天時之未已義誠多愧志亦  
可憐僮蒙猶枉鉛華更施丹雘俾其恩地不在他門雖不及采  
椽備枝梧於大厦亦庶乎稊米增流行於神倉與夫九九之能  
猶或萬萬相遠誠淡詞切聲急嚮煩仰郭泰之龜龍望仲尼之  
日月濡毫伏紙億萬常心干冒尊威伏用戰灼謹啟

上宰相啟

溫庭筠

某聞日麗於天洪纖必及月離於畢枯槁皆蘇斯則推彼無私  
彰於大信苟關宰匠咸仰生成其或潤接西郊流金未已光奉  
北陸豐蔀猶淺則亦分作窳人甘爲棄物歲華超越京洛風塵  
忽爾號咷固非阮籍滋然沾灑不爲楊朱略忘覲冒之辜惟以  
哀矜爲主伏念三餘簡墮六尺伶俜臨濟輝華昔懸陳榻洛陽  
羈旅今造膺門已驚於自葉流根敢望於東多益寡但以謝家  
故墅事屬臨川陸氏先疇名遷好畤同氣雖均於否泰連枝或  
累於榮枯是以更就洪鈞來呈瑣質雖戴逵之弟志尙無聞而



何準之兄恩輝已遍豈宜荷希河潤更望餘波投驥尾以容身  
執豚蹄而望歲然則迹同水子質異山郎柱雲櫺獨居峒舍  
綺襦紉袴已臥牛衣若乃清旦問安長筵稱壽貂端必集少長  
俱來膏沐之餘則飛蓬作鬢銀潢之末則青草爲袍莫不顧影  
包羞填膺茹歎儻或王庭辨貴許廁九疑京縣坐曹令懸五色  
校於同列未越彝章則衛瑄孤遺常聞出涕山陽舊曲不獨傷  
心誓將居必在勤行惟鞭後潛知寄託所望於江州必效忠貞  
得酬於吏部無任惶懼之至

上首座相公啟

溫庭筠

某聞舉不違宗得於王濟近因其族聞自謝玄雖通人與善之  
規亦前哲睦親之道某謬叅華緒得庇餘蔭固已鯉庭蒙翼長  
之恩阮巷辱心期之許遂得遷肌改骨擁本揚英則窮鳥入懷  
靡求他所羈禽繞樹更託何枝昨者膏壤五秋川塗萬里遠違  
慈訓就此窮樓將卜良期行當杪歲通津加歎旅舍傷懷相公  
河潤餘津雲行廣施調羹之味未及宗親育物之餘希沾幼弱  
儻或假一言之甄發隨百蟄之昭蘇庶令葛藟之音均其煦育  
椒聊之實遂彼扶疎成鍾儀操樂之規寬顧梯拜書之戀



之恩刊恭親心腹之符...  
賦亦前香韻賦之能某時參華辭...  
某聞舉不藝宗爵然王爵並因其越聞自備支郵...  
入

上河東公啟

李商隱

商隱啟某聞周朝貝葉列妙引於王褒梁日祇園灑芳詞於沈  
約是必資乎鴻筆麗藻刻乎真金翠珉然後可以充足人天發  
揮龍象苟其曖昧卽匪莊嚴爰託亭塗夙聞妙喻雖從幕府常  
在道場猶恨出俗情微破邪工少二百日斷酒有謝蕭綱十一  
年長齋多慙王奐仰戀東閣未歸西林近者財俸有餘津梁足  
念適依勝絕微復經營伏以妙法蓮華經者諸經中王最尊最  
勝始自童幼常所護持或公幹漳濱有時疾疹或謝安海上此  
日風波恍惚之間感通非少今年於此州長平山慧義精舍經

文苑英華卷四十一



賦亦前世聖  
某聞舉下聖宗壽於王

上首風林公賦  
上河東公啟

李商隱

商隱啟某聞周朝貝葉列妙引於王褒梁日祇園灑芳詞於沈  
約是必資乎鴻筆麗藻刻乎真金翠珉然後可以充足人天發  
揮龍象苟其曖昧卽匪莊嚴爰託亭塗夙聞妙喻雖從幕府常  
在道場猶根出俗情微破邪工少二百日斷酒有謝蕭綱十一  
年長齋多慙王奐仰戀東閣未歸西林近者財俸有餘津梁是  
念適依勝絕微復經營伏以妙法蓮華經者諸經中王最尊最  
勝始自童幼常所護持或公幹漳濱有時疾疹或謝安海上此  
日風波恍惚之間感通非少今年於此州長平山慧義精舍經



藏院特剏石壁五間金字勒上件經七卷既成勝果思託其音  
伏惟尙書有夫子之文章備如來之行願不逢惠遠已飛盧岳  
之書未見簡樓便制頭陀之頌是敢右繞三匝仰希一言庶使  
鷲殿增輝龍宮發色流傳沙界震動風輪報恩於蓮目果膺奪  
美於江毫蔡絹伏希道念得降神鋒瞻望旌幢攜持碓斧曝身  
布髮以俟還辭無任懇迫之至謹啟

上河東公啟

李商隱

商隱啟伏奉榮示伏蒙仁恩撰金字法華經記一首正冠豸笄  
跪捧伏讀聽儀鳳之簫管祇恐曲終對仙客之棊枰仍憂路盡  
欣榮羨慕造次失常昨者爰託翠珉將翻貝葉方資護念粗翼  
標題換骨惟望於一丸剗身止求於半偈豈謂尙書載持夢筆  
仰拂文星入不二法門住第一義諦儒童菩薩始作仲尼金粟  
如來方爲摩詰鋪舒於無上輝藻於至真而又以七喻之微較  
五常之典昭然合契永矣嗣塗旣令弟子言詩又與聲聞授記  
一佛出世萬人所望不知孱微何以負荷便當刻之烏篆置彼



龍宮此則吹之以宋玉之風照之以謝莊之月彼則傳之於赤  
鬚疏主示之於白足禪師然後負帚趨門前芻入廐以鈴奴爲  
勸友與車御爲良朋翼必從公以謝嘉命過此而往不知所圖  
無任距躍感激歡喜信受之至謹啟

端午日上所知劔啟

李商隱

商隱啟五金鑄衛形成邪神劔一口銀裝漆斡紫錦囊盛傳自  
道流頗全古製未遇良工之鑿常爲下客所彈龍藻雖繁鴉膏  
稍薄敢因五日仰續千齡廁玉玦於君侯擬象環於天子所冀  
更蒙千灌重許三卿使武士讓鋒佞臣喪魄無荆王之遇敵手  
以麾城有漢相之策勳腰而上殿嘉辰祝願平日禱祠伏惟恩  
憐特賜容納謹啟



爲先輩獻集賢相公啟

李商隱

李商隱

某啟某竊觀貞觀朝書伏見文皇帝因夢吹塵方求風后于畋  
問卜始載礮溪事倖王圖道光帝載下惟敷祚上則虛襟繆綿  
圖緯之前窈窕天人之際崇基立極四足雖斷於神輦開物成  
功七竅仍沾於混沌禹羞乘輦舜恥彈琴白馬已見於將雛朱  
草仍聞於滯穗共工蚩尤之輩與二負同袍豕韋晉耳之徒與  
七驕共御是以今上以貽謀負展相公以餘慶持衡用十一德  
之資贊七百年之祚古猶今也仁豈遠乎伏惟相公日觀同光  
天球竝價揚鋒露鏑則武庫常開散藻擣華則文星鎮見一言



悟主三接承恩。李孟伊絲友朋。蕭邴漢皇發論。十萬常愧於淮。陰齊后推誠。一二皆歸於仲父。百度既已貞矣。九流又復清焉。牆東竈北。隱淪者咸欲呈材。猿飲鳥言。僻陋者皆思入貢。莊生獻脣。楊子拔毛。三百篇之詩。更無諷刺。二百年之史。未絕譏嫌。斯乃百代可知。一言以蔽。豈立錐側管。可折齒尋環。巍乎煥乎。盛矣美矣。若某者。刳心寡窳。對面多牆。小比鷓鴣。敢矜巢窟。微同觸氏。寧務戰爭。徒以簪紱承家。階庭受訓。堂中得桂。已有前叨。幕下開蓮。仍當後忝。所宜括囊無咎。綵服爲榮。絕方朔之上。書罷。禰衡之投刺。道以措心。賢路誓志。昌時旣慕。義無窮。思有遺則。見伏惟相公。曩前薦豹雷。可燒龍爲百氏之指南。作九州之木鐸。任安彥國。已在於廐中。揚子馬卿。竝歸於門下。而猶儼泐木。副影響。無寧請客者。不解衾禡。當關者。空有皮骨。此某所以淮山遠至。漢棧斯來。望姬旦之吐餐。冀張華之倒屣。升堂客衆。擁篲人多。苟無譏箴之言。難佐仲宣之陋。今輒以所著文若干首。上獻伏惟少迴岳電。微駐台星。固無望於討論。庶或觀於指趣。儻蕭稯可刈。菅蒯無遺。蒙文宣一字之褒。得玄晏三都之序。便若神巫去癘。司命添年。禱祝之誠。造次於是。門遙閭闔。路隔瀛洲。於人世存思。空移氣序。以塵中仰望。未見端倪。希陪上



士之流終預羣仙之末所恩望德乃百斯生于冒威嚴無任惶懼感激之至謹啟

爲舉人獻韓郎中琮啟

李商隱

某啟某少承嚴訓早學古文非聖之書未嘗關慮論都之賦頌亦畱神徒以不授綵毫未吞瑞鳥馳名江左陸機莫及於材後擅譽鄴中王粲終聞於體弱上下羣士差池累年頃者輒露疎蕪不思狂簡捧燭火以干日御動已光銷抱布鼓以詣雷門忽然聲寢不謂郎中搜才路廣登客門寬望天附書冀難談易特垂題目肅賜丹青旋屬榮輶從行神州視膳同孟陽之觀蜀比孝若之歸齊雖佩恩私竟乖陳謝光陰荏苒誠抱勤奉今此秋期遂有天幸更奉彌衡之賜敢無駸箴之言某在京多時自夏



有疾失外郡薦名之限。俯神臯試士之期。物精既集於宗師。公  
選果歸於令季。懷材者皆云道泰。抱器者自謂時來。以卞和爲  
匠人。無不收之瓊玖。得蹇修爲媒氏。無不嫁之娉婷。是以願託  
一奉。潛布百兩。顧方流而有託。慮良會之猶賒。伏惟郎中與先  
輩賢弟。價重兩劉。譽高三陸。比李膺則仙舟對棹。方馬融則絳  
帳雙拳。若某者雖陋。若左思瘦。同沈約無庾信之腰腹。乏崔琰  
之鬚眉。然至於感分識歸。銜誠議報。將酬楊寶。則就雀求環。欲  
答孔愉。則從龜覓印。推其異類。不後他人。復陳新文。重于清鑒。  
馬卿室邇。孔子牆高。遲面莫由。隙肝無所。任重道遠。方懷驥坂  
之長鳴。一日三秋。空誦馬嵬之清什。知淡可恃。言切成頌。幽谷  
未見於鶯喬。曲沼空勤於鳧藻。仰瞻几閣。伏待簡書。謹啟。



收亦寧李相公啟

羅隱

某啟某去今月三十日獲遂起居伏以黃闈尊崇雖容展敬白  
衣卑賤不敢興言今於隕獲之間聊舉激明之事晉代則司空  
試劔漢朝則丞相問牛彼或以頑滯幽姿或以瘦驚下乘猶能  
動搖至化感達深仁而况生稟五常早知恩義迹居十等不至  
興臺伏恩癸卯年中雜揚城畔謝傅列土疆之日羊公分節制  
之時珠履瑤簪朝盈望府雞香豸角暮出行臺轉輸則萬井魚  
鹽統御則九州侯伯當時務重難之際是籌謀閒暇之初南國  
佳辰長聞賦詠東山勝賞屢見篇題爲教化之笙鏞作經綸之



彩繪所以漢陽計吏得詣軍門厭次狂生叨蒙客禮憫之以轉蓬之質安之以負米之心進趨獲奉於麾幢俸入仍資於甘旨其後何武捧詔平陽趨裝叅佐解中方虞浪迹新城埭下忽受溫言嗟其未了之身勉以難遷之性且憐色目猶可發揚是以不揣狂愚重蒙躁妄出則祝趙衰之日永冀流暄入則禱傅說之星惟希借耀今者風雨得生成之候鑪錘升鼓鑄之司郭令軍前潛抽妓樂崔寧城外暗毀池臺登庸之時序未遙反旆之磁基已兆若某者族惟單緒藝卽中流佩服殊私緘藏厚旨假昆蟲而稟性指簪履以輪懷竊以浪逼龍津風催律管魚皆五色禽必丸苞揚錦鬢彩羽之姿俟啟蟄吹葭之便獨某行迷要路坐守竄株九品班資略非親舊六銜車馬莫接聲塵捫心而一寸寒灰泣淚而萬行清血良時易失司馬遷猶是再三知己難逢越石公於焉感激相公儻或俯迴衡柄曲賜褒稱雖朽蠹不凋則推常理而孤寒無命祇繫洪鈞謹啟



不問頃時常然而無命無靈也

履登蹠以公試再思謝公勳勉而國濟而曲則其難也  
一十寒又並見而萬計散員相是夫匠再製其再三賦  
湖坐定讓林成品查細裝轉舊六海車其莫與帶也  
命命命命命命命命命命命命命命命命命命命命命命

投戶部官員外啟

顛雲

某啟某聞柳文暘之遇王融初因雅韻劉嗣芳之逢沈約實白  
片辭或兩句可嘉或一篇堪獎則題於團扇寫在郊居遂使西  
邸流芳南朝溢美時名愈大紙價彌高今也故事具存清風盡  
在每因投卷竊賀伊人雖有負於斯文幸遭逢其至鑿若某者  
學殊牛豹藝愧全牛慙無經濟之文空有悲哀之賦投竿魚浦  
遙迹龍津無一時暫廢討論無一日敢忘索課誠不足揄揚大  
政感動知音比於蟲迹爲文鳥蹤成字雖無關至理亦粗有可  
觀輒敢編錄荒蕪輕塵裁鑿禽中木鷲冀文學之明知嶽底雙



龍庶茂先之必識儻或冰壺借潤水鏡分光如其積玉之名示以鑑金之譽十日三復非敢望於林文拂席易衣竊有期於謝渾仲尼牆峻元禮門茨非因咫尺之書莫寓依投之懇終哀柱促言切詞繁先甘妄進之嗔終受自媒之責于冒名德伏積兢慙謹啟

某聞天列將星國分戎律必命英傑以專統臨故入則掌

投西邊節度使啟

某聞天列將星國分戎律必命英傑以專統臨故入則掌

驍衛而主親兵爲王心膂出則驅隼旗而駕熊軾分國主用苟非敵號萬人謀通七德孰副擁旌之選仍當注意之求伏以尙書勇冠山西聲聞隴右九天九地之法夜受於麟珠金箱金櫃之書曉傳於靈叟故得拔劍龍吼鸞鴻驚使彝落無喧干戈盡偃邊烽息炤塞析沈聲爲天子之長城斷劍奴之右臂加以文通三變學洞九流郭璞神毫每通於夢想羅含彩羽素貯於心誠時或月滿清樓風清畫閣玄暉之理郡不廢謳吟杜元



凱之樂戎何妨講讀而又政惟師古恩切字入利刃一揮亂繩  
皆理竹見鳳銜仙詔豹製牙旗長驅十乘之驍雄福致一方之  
黎庶遐瞻寵渥不越秋冬其稷下儒生天涯客子遠攜書劍來  
拜旆旗識馬援之鬚眉見太初之禮樂頌叨前席屢聽玄談憂  
一夫不濟其生恥一物不登其所義形顏色照發襟靈因敢覲  
縷血誠輕塵藻鑑必希恩察少賜知憐某射鵰無功亡羊有恨  
婁敬之衣裘屢弊張儀之頰舌何爲至於草織衡門雪封陋巷  
蛙鳴竈底魚躍滿中然猶講樹未休書筭不已潛修此道以俟  
明時春初將謁朱門小行上國著言利見龜告叶從徑趨沙漠  
而來直指旂旗之下盡披肝膈布在牋毫事逼丹誠言多直致  
志同鄰女止希蘇代之餘光身類鮒魚惟冀莊周之一勺干犯  
清重無任兢悼謹啟



高重無計諫對難

志同惟文上系藉升之繪長夏隱險魚鼎冀其固之一已十  
為崔從事寄尚書彭城公啟  
李商隱

福啟福聞雀辭楊館常懷資篋之恩燕別張巢未結雕梁之礙  
推誠况物某有類焉始者尚書晞髮丹山騰身紫府曉趨清禁  
則瓊樹一枝夜值黃闈則金釘二等入寰莫見塵路難逢而某  
志在諱窮勇於求益輒于卑隸自露菲葑寶肆迴腸只期和氏  
醫門投足未念倉公果蒙愍彼顧愚益為題品勾萌始達依周  
留以揚翹滴瀝纔分託靈光而振響輕軒短羽驟化窮鱗每欲  
陶冶肺肝耕耘筆硯粗調宮徵以謝陽秋而義有多途情非一  
槩辭煩轉野意密彌賒雖如韓遂之書反覆類葛洪之紙



終無髮髯可得端倪去歲洛陽獲陪良宴頗趨絳帳累坐青氈  
况聞懇拒台階請從藩屏舉郊起之幕畫數阮瑀之軍書懸以  
嘉招形於善誼何言違阻復貿光陰澆水干波巴山萬嶂接漏  
天之露雨隔嵒冢之煙霜皓月圓時樹有何依之鵲悲風起處  
壘無不斷之猿煎齧義之初心軫懷仁之勁氣竊惟秦鏡當察  
衛桃一昨伏承擁節浚郊建牙隋岸將求捧幣申好裂裳就途  
接枚叟之餘光奉鄒生之末座又復慮旋登殷夢俄奉周畋徵  
詔已行拜塵無及徘徊失措鬱悒誰聊必也華榻長懸簡書無  
幾卽卸仔安之席堪晒無圖負田叔之鈴可嗟非擬伏惟慎安  
寢膳勉謹與居早秉信圭速滿大鼎至於禱祝實倍等倫半啟  
想貯於神倉一勺願投於靈海道之云遠更開殷浩之函書不  
盡言重灑楊朱之淚攀戀感激不知所裁伏惟俯賜鑒照謹啟

公集附本動晉朝於半郊半郭之中有一詠一賦之遺



蓋有重囊豈米之冠。樂懸海嶺不吹。酒綠於非。前題。鑿源。對。恐。謂。然。帷。會。一。已。願。對。伏。靈。或。能。支。已。事。更。開。翅。我。之。函。書。不。錄。無。遠。時。興。以。早。東。計。主。要。論。大。鼎。至。然。飄。城。實。滄。波。離。半。其。

謝江都真長官啟

羅隱

長官鏤筆才清。探驪價重。因循世態。放蕩宦遊。劇譚以雞肋。况時偶對以馬曹。當職而自黃塵。北犯翠輦。南巡張掾。投簪雖離。齊邸。陶公。染翰本慟。晉朝於半郊。半郭之中。有一詠一觴之趣。爲謀甚逸。所得何多。芳草遠山。纔供撥拾。晴陽媚景。別授指揮。登臨則光祿。寒山悲歎。則雍丘。明月憑何徑。隨達此津涯。某海曲。迷聲壽陵。忘步蛇虛。畫足鵠不中心。將風霜委地之姿。偃兵革。滔天之日。正平刺滅。屢窘輿臺。叔夜燈殘。頗逢鬼魅。梁苑之舊遊。未已。鄴都之作者。寂然。豈謂長官獨好斯文。仍流散地牙。



絃久絕秦缶增慙那言吾道陵遲猶見騷人風骨牽牛不暇希  
驥莫從輒敢效彼蠅頭騰於魚網保持所切已高黃絹之名傳  
寫可知旋長烏絲之價

文苑英華選卷之四十二目錄

書

答隋太子書

諫太子承乾書

上姚弋公書

上上官司馬書

與雍州錄事書

與夏縣崔少府書

與王僧辯書

王勣

史祥

于志寧

張九齡

王勃

李嶠

李峤

徐陵



與李那書

徐陵

答莊克書

杜牧

與程將軍書

路賓王

論江陵耆老書

劉蛻

上吏部裴侍郎書

路賓王

與逸人徐則書

隋晉王暕

與逸人王真書

隋齊王暕

答馮處士書

王績

答刺史杜之松書

王績

答開元寺僧書

李翱

與蜀城父老書

王勃

遺崔頤書

隋豫章王

答隋太子廣書

史祥

行人反止奉所賜賦。恩紀綢繆。形於文墨。不悟飛雪。增冰之地。

忽戴三陽。雲幕韋韜之鄉。俄聞九奏。精駭思感。莫知啟處。祥少。

軍旅長遇。升平幸以先人緒餘。備職宿衛。懼驚寒無奔走之。

風。朽薄非折衝之才。豈欲追蹤古人。語其優劣。曩者王師薄伐。

人。校。外當此之時。猛將如雲。謀天如雨。



至若祥者。於卒伍預聞。指縱之規。得免遲留之責。循涯揣分。實爲幸甚。爰以情喻。雷陳事方。劉葛信聖人之屈己。非庸夫之可測。川澤之大汗。潦攸歸。松柏之高。葛蘿斯託。微心眷眷。孟侯所知也。仰惟體元良之德。煥重離之暉。三善克修。萬邦以正。斯固道高周誦。契叶商飭。豈在管籥所能窺測。伏承監國多暇。養德怡神。咀嚼六經。逍遙百氏。追西園之愛客。眷南皮之出遊。疇昔之恩。無忘造次。祥自忝載罹寒暑。身在邊隅。情馳魏闕。每至清風夜起。朗月孤照。想鳴笳之啟路。思託駕於後車。寒表

謝太子承乾營造曲室書

于志常

臣聞克儉節用。實弘道之源。崇侈恣情。乃敗德之本。是以陵雲。禦日。戎人於是致譏。峻宇雕牆。夏禹以之作誡。昔趙盾匡晉。呂望師周。或勸之以節財。或諫之以重斂。莫不盡忠以佐。燭竭誠以奉君。欲使茂實播於無窮。英聲被乎物聽。咸著簡策。以爲美談。今所居東宮。隋日營建。觀之者尙驚其侈。見之者猶歎其華。何容此中更有修造。財帛日費。土木不停。窮斤斧之工。極磨礱之妙。且丁匠官奴入內。比者曾無監管。此等或兄犯國章。或弟罹王法。往來御苑。出入禁闈。鉗鑿緣其身。槌杵在其手。監門木



防非慮宿衛以備不虞道長既自不知守者又復不見爪牙在外廝役在內所司何以自安臣下豈容無懼又鄭衛之樂古謂淫聲故朝歌之鄉迴車者墨翟夾谷之會揮劍者孔丘先聖既以爲非通賢將以爲失頃聞宮內屢有鼓聲太樂伎兒入便不出聞之者股慄言之者心戰往年口敕伏請重尋聖旨懇懇明誠懇切在於殿下不可不想至於微臣不可無懼臣自驅馳宮闕已積歲年犬馬尙解識恩木石猶能知感所有管見敢不盡言如鑒以丹誠則臣有生路若責其忤旨則臣是罪人但悅意取容滅絲方以疾疢犯顏逆耳春秋比之藥石伏願停工匠之作罷久役之人絕鄭衛之音斥羣小之輩則三善允備萬國作貞矣



公登廟堂運天下者久矣。人之情爲事之得失所更多矣。非聞  
學之說。小子之慮。所能損益之。已明矣。然而意有不盡。未可息  
區區之懷。或有見容。亦猶用九九之術。以此道也。忍棄之乎。今  
君侯秉天下之鈞。爲聖朝之佐。人見信用。渴日太平。千載一時。  
胡可遇也。而君侯旣遇非常之主。已踐難得之機。加以明若鏡  
中。運如掌上。有形必察。無往不臻。朝暮義軒之時。何云伊呂而  
已。際會易失。功業垂成。而舉朝之衆。傾心前人之弊。未盡。往往  
擬議。愚用惜焉。何者。任人當才。爲政大體。與之共理。無出此途。



而曩之用才非無知人之鑒其所以失者皆緣情之舉夫見勢則附俗人之所能也與不妄受志士之所難也君侯察其苟附及不輕受就而厚之因而用之則翕息之首爲知己而必碎豫讓之身感國士而能漆至於合如市道廉公之門客虛盈勢比雀羅廷尉之交情貴賤初則許之以死殉體直與柔終及背之而飽飛身名已遠小人恒態不可不察自君侯職相國之重持用人之權而淺中弱植之徒已延頸企踵而至諂親戚以求譽猶賓客以取容情結笑言談生羽翼萬事至廣千變難知其間豈不有才所失在於無恥君侯或棄其所短收其所長人且不

夏則惟少府書

李膺

安成足下伏聞高義之日久矣緬惟徽範虔想德音山川闊契風月勞心何嘗不煎九迴苦百慮向清風而披襟仰高門而企躅然執事者庸詎知哉蓋理或宜符雖違必契物有彙感雖遠必臻龍虎鬱風雲魚鳥歸林壑同聲相應孔父精微之書同翼共飛馬生通博之史僕竊不遜仰希古人以爲天下襟期四海兄弟款平生於千載臆意氣於一言道或乖膠漆不能同其異志苟合楚越無以異其同萬里比鄰寧須羣聚而會百年叶契何必偃伏而遊昔者鍾君西入邀蔣生爲臭味延陵北遊款國



僑爲舊識。斯並未言而信。不介而親。芬若椒蘭。婉同琴瑟。何哉。誠相期之有素也。若下官者。落拓無繫。交離少合。尙嘗效一藝於友朋。關一奇於卿相。形淪散冗。名棄岸澤。通人未曾接賞。談士不以挂言行爲誦累。動成嗟鄙。然敢獻區區之心者。徒以瑩燭之光。不逮日月。而稟照之理。同涓滴之水。無觀江河。而體潤之原一也。故輒布之於左右。以爲魏蜀兩俊。可復生於今。吳鄭兩賢。不獨美於古。此褊心所度。足下豈有意耶。且僕智不效於一言。謀不周於千慮。德慙季路。詠甚伯寮。畏此簡書。就茲文墨。百路之日。馳情下風。不爲燕雀。聯翩鴻鵠。已遠形留。神往室邇。知深旨之若斯。便謂盡私情於此輩。其有議者。則曰。不識宰相。無以得遷。不因交遊。無以求進。明主在上。君侯爲相。安得此言。猶出其口。此九齡所以爲君侯至惜也。且人可德化。難用戶說。爲君侯之計。謝媒介之徒。雖有所長。一皆沮抑。尊謀選衆之舉。息此訕上之失。禍生有胎。亦不可忽。嗚呼。占人有言。禦寒莫若重裘。止謗莫若自修。修之至極。何謗不息。勿曰無害。其禍將大。夫長才廣度。珠潛璧匿。無先容以求達。雖後時而自安。今豈無之。何近何遠。但問於其類人。焉度哉。雖不識之。又何不可。是知女不私人。可以爲婦矣。士不苟進。可以爲臣矣。惟君侯之度內。



耳安用小人之說焉。固知山藏海納言之無咎，下情上通氣用和洽，是以不敢默默而已也。願無以人故而廢其言，以傷君侯之明。此至願也。幸甚幸甚。表容以奉。表雖辭而自安。今豈無  
蓋聞靈化出於窈冥，帝圖寄於寥廓。聖人生而萬物觀泰階平，而四國會。故曰有非常之后者，必有非常之臣。有非常之臣者，必有非常之績。至今雷奔雨嘯，風旋電轉，拾青紫於俯仰，取公卿於朝夕。雲臺迫漢，南宮列元宰之圖。霜戟羅門，北闕據名臣之第。當見之矣。至若時非我與，雄略頓於窮途。道不吾行，高材屈於卑勢。孔宣父之英達，位未列於陪臣。管公明之傑秀，名僅終於郡屬。有時無主，賈生獻流涕之書。有志無時，孟軻養浩然之氣。豈非妙造無端，盛衰止乎其域。神期有待，動靜牽乎所遇。

上絳州上官司馬書

王勃



向使太公失於周伯則旗亭之屠父韓信屈於蕭何則轅門之  
餓隸又焉得鷹揚豹變吐納風雲者哉故曰知與不知用與不  
用觀夫得失之際亦窳達之有數乎其有邀時譽忘廉恥徇苟  
得設向背於朝廷立縱橫於勢利舉三寸之舌屈辱豪門奉咫  
尺之書逡巡下席者自謂材足以動俗智足以濟時鐘鼎輝其  
顧盼冠蓋生其籍甚豈知夫四海君子攘袂而恥之乎五尺微  
童所以固窳而不爲也此蓋莊周有言所以得意而忘象得象  
而忘言語曰談何容易易稱書不盡言知談之不易而欲言之  
盡以是思之良可知矣下官者康衢之賤耳嘗聞闕里之言頗  
挂平輿之目豈不知塵形俗狀遊水鏡而多慙抱鼓援聲過  
門而自失而欲刻鵠飾鳧唐突扁門者耶徒以登山泛海庶測  
高深執炬傳螢希增日月三奔九合下官聞管仲之風千載一  
時君侯受鮑卿之託是以敢陳其徑庭不然則秋風明月西江  
雷獨往之因桂嶠松岳南山有不羣之地矧區區者而重高明  
之闕闕君侯極天分構振瓊樹而韜霞帶地疏源握珠胎而冠  
日鱗軒羽殿瑤臺降卿相之榮鵠印蟬簪金社發公侯之始青  
臯獨唳望鴻漸而翻雲丹穴高鳴對鷓池而矯霧嚴助以賢良  
待詔未厭承明汲黯以方正拾遺終榮夙理藩維克振旣參來



暮之歌邦國不空自有康沂之相加以雄材廣度散琬琰於胸  
懷逸氣適文運風霜於掌握迫青霄而構舍烟霞之涯涘莫尋  
振滄渤以流謙江漢之波瀾未測耀靈桂於趙席垂棘知歸辯  
羣籟於莊軒懸匏自託賓階夕做清河銷驥繫之虞虛榻晨披  
元禮得龍驪之地方當翊贊宸極羽儀台屏豈徒偃仰州縣勞  
事藩庭而已哉借如僕者言不滿於鄉黨聲不出於堂閭東海  
取樂於簞瓢南山畢志於文史餐花佩葉入蘭室而談玄挹露  
攀霞坐松扃而嘯逸揚子雲之澹泊心竊慕之嵇叔夜之逍遙  
貞其好也未嘗露才揚己飾小智以驚愚假勢馮時託中人而  
樹迹遍遊天下寒心於將相之門獨守太玄側身於名利之境  
嘗謂奉琴厄於北牖詠詩禮於南陔坐商洛而折雲英臨江湖  
而采煙液生願畢矣而屬鸞扇停逸頻虛不次之階鶴板徵賢  
累發非常之詔天下有道吾豈匏瓜承達人一顧之榮辱公車  
再辟之禮平津侯之博物終屈奉常賈大夫之才名猶逢絳灌  
况庸者而可免於此乎君侯要津先據圖海盛於當時下官覆  
簣方勤爲山始於今日雖陵溪谷變終非入室之賓而書詠宵  
吟敢豫升堂之列夫以幽明不測尺標見天下之心巨細相傾  
寸管合義舒之度豈非道存斯貴理在必亨霸略近發於輿歌



皇圖不隔於芻蕘故有榮枯絕等奉推轂而欣然年勢不侔受  
分庭而罔愧風規可接惟君侯體之冷古未殊則下官願矣常  
恨霜松列澗萬尋無罩月之期露草滋山寸莠有梢雲之望斯  
則聲實困於兼濟才位難於俱立况乎地勢不足以誇俗容貌  
不足以動人遑遑藪澤安足以奉高明之咳唾也所冀蠅階賤  
質附雲足而追颺蚋序輕姿託霜毛而絕海委名勵已蛟鐔申  
獨斷之能偶迹當仁驪珠鮮閣投之懼天衢可望指鵬程而三  
休巨壑難遊伏龍門而一息

與雍州崔錄事司馬錄事書

李嶠

三原縣尉趙國李嶠謹再拜致書於崔錄事司馬錄事執事嶠  
聞彩異彰施不足以遇離婁之日聲殊操場未可以接延陵之  
耳况乎玄黃莫主官徵外節將何以移情好事藉賞知音者乎  
伏惟公等思侔天假道合神授精襟與秋水俱映縟藻共春葩  
競發風雲感其聲律牆仞淡其間與羽陵細簡遙開博綜之門  
洞庭金石近入鏗鏘之韻固以重規座右連華史筆激思匠之  
眞筌畢文心之能事嶠學術蕪淺才藝寡薄豈治遺業獨事斯  
文而衣冠後進多慙接武頃以三餘暇景四時風月斗酒娛樂



嚶鳴感召春還江。北時興楚客之謠。木落淮南。乍動潘生之思。  
有同往簡。無追雅什。不意頻降德音。猥垂訪逮。恭承嘉惠。揣摩  
虛寡。鑒滯水而慙容。遵壽陵而慙步。但以螢燭光耀。尚增輝於  
賜谷。映澹微流。且朝宗於水府。敢緣斯義。吐呈如別。大夫攄思。  
空擬於登高。小子裁章。願羞於調下。禱再拜。

人選。孤此袖心。延佇何極。然喜遇賢季。得抒幽襟。直置心許。居  
然目擊。竊以通家自任。更將觀奧。爲狀聊下拂塵之榻。便登勒  
銘之座。芝蘭在室。久久逾芳。花萼連枝。鞞鞞交映。徒觀其室。居  
開臨。庭草蕪沒。高廳納景。密樹棲煙。筵有丘中之琴。案多濠上  
之帙。懷情落落。無事草玄。虛館陰陰。自然純白。此傲吏之遺賞。  
高人之遠致也。加復披玩華藻。終朝意倦。珠明玉潤。雲蔚霞舒。  
符彩相燭。稀聲間起。雕逾繪素。采奪華蟲之飾。韻動旋宮。響入  
飛龍之奏。三月忘味。疇足爲多。一朝投筆。於是乎在想望光景。  
若覩清顏。下官才不逮人。學非通敏。徒以聞長者之餘論。忝好



事之末流。有時感激。斐然牽課。但短綆之才。嗟於不及。挈篋之  
智。患在屢空。頃者關塞。羈遊風塵。旅泊抒情。歌事略有短篇。未  
足追蹤詞人。亦以言其所志。竊不自外。思簡知音。所冀南郢之  
聲。時參委巷。東里之潤。或被庸章。則駑駘獲薦於九方。腹背可  
倚於六翮矣。仍恐豚肩禱薄。未足享盈車之報。糖餌非香。不能  
致吞舟之獲耳。僕事已清白。尋就西轅。背夏涉秋。方期戾止。契  
闊未會。我勞如何。勉敬風猷。時敦景行李。嶠白。

與王僧辯書

太清六年六月五日孤子徐君

君古人自稱如王績書中頓首亦作王君又一本作名

昔者雲師火帝。非無戰陣之風。堯誓湯征。咸用干戈之道。至於  
搖山蕩海。驅雷乘雷。殲厥兇渠。無虧皇極。若夏鍾夷羿。周厄犬  
戎。漢委珠囊。秦亡寶鏡。然則皆聞之矣。未有膺龍圖以建國。御  
鳳邸以承家。二后欽明。三靈交泰。而天崩地拆。妖寇橫行者也。  
自古銅頭鐵額。興暴皇年。檣杵窮奇。流災中國。玉璠石勒。吞噬  
關河。綠林青犢。之羣。黑山白馬。之衆。校彼兵荒。無聞前史。八王  
故事。曾未混淆。九州春秋。非去禍亂。我皇受命。中興光宅。天下



秦寧瑣瑣安敢執鞭建武棲棲何其扶穀抑又聞之陶唐既作  
天歸鳥咏之臣豐畢將興特挺鷹揚之佐明公量包金鉉神表  
玉璜饒袞欽才平階佇德固以畱連管樂惆悵風雲濡足維時  
投竿斯在去歲兕徒不騁言次已丘鼓聲聞一柱之臺烽火照  
三休之殿公則懸麾羽扇猶對投壺戎揭咸奔鯨鯢俱翦樓船  
萬軸還繫昆明弧馬千羣皆輸長樂於是乎夏首西浮雲行電  
邁彭波東匯谷靜山空扼鵠尾而據王畿登牛頭而掃天闕漸  
臺僞帥仍傳首於帝京鄒鳩元兇咸剗腸於軍而青羌赤翟同  
異豺狼孤服彝言咸爲京觀公園陵盡拜忠貫長沙神主咸安  
勳踰高密重以秦宮旣獲魯嚴猶存關綠草於應門開青槐於  
武庫長安五陵之族鄴杜六遷之民襁負而歸都廛斯滿膏脂  
藏脯遊騎繫鍾故帝新城飛薨華屋東莞舊宅人識桑榆南頓  
荒田家分禾黍豈止鄉名穀熟是號禾興而已哉若夫卦起龍  
文書因鳥迹劬勞王室大拯生民自開關以來未之有也雖十  
六才子明允篤誠八百諸侯專心同德中宗佐命俱畫丹青光  
武功臣皆懸星象棧道木閣田單之奉霸齊維壘將兵周勃之  
扶強漢壤蟲之比黃鵠轍鮒之仰河宗未足云也孤子階緣多  
辛叨筮皇華鄉國屯危公私焦迫邳彤漢書之切長亂心留徐



庶之頑終無開允。既而屏居空館，多歷歲時。墨犯幽祇，躬當勦滅。何圖靈咎，災極蒼旻。號慕煩冤，肝腸屠頰。酷痛奈何，無狀奈何。惟桑與梓，翻若天涯。植柏栽松，悠然長絕。明明日月，號叫無聞。茫茫宇宙，容身何所。竊劇奈何，自忝膺嘉聘。仍屬亂離，上下年尊。偏嬰此酷，昔人迎門請盜，恒懷廢寢之憂。當輓輿親，猶有危途之懼。况乎逆寇崩騰，京師播越。興居動止，長隔山河。朝夕饘飩，誰經心眼。程廢不繼，原粟何資。瞻望風雲，朝夕嗚咽。固乃遊魂已謝，非復全生。餘息空留，非爲全死。同冰魚之不絕，似螻蟲之猶蘇。良可哀也，良可哀也。自東都紹漢南，亳興殷修好。徵兵彌留，星瑄韓宣，范武方駕，連鑣蘇秦，張儀朱輪，華轂而孤子。三危是擯，四罪同科。聽別馬而長號，杖歸舂而永勸。王稽反命，旣無託乘之恩。椒舉相逢，誰爲班荆之位。昔人違齊處魯，時降徵求。亡晉奔秦，猶蒙招請。問管寧於遼左，追王朗於浙東。竝物譽時賢，卿門公族。懸須應務，演挾情祈。斯豈庸賤之儔耶。非餘生之敢舉也。但預在輪軒，誠爲過誤。珪璋特達，通聘河陽。貂珥雍容，盟漳水。差有黃閣啟封，非無青紙詔書。郡將州司，郊迎負弩。鄉亭里候，飾館陳兵。豈是復介而奔齊，寧當竊妻而逃晉。已焉哉。羞難得而言也。漢之谷吉，捐軀者幾人。楚之申胥，埋魂



看何極孤子何所歎焉但躑伏苦廬徒延光晷夫以啁噍燕雀

躑躅鳴號含識懷靈未有其痛且夫曾一作耕雨雪猶尚悲歌

蘇使幽囚無■噴噎公履忠弘孝冠冕縉紳化感煙雲量標海

岳行廢伸月王政無寒分穀高年仁風斯遠固以衣纓仰訓黎

庶投懷今日樵惶彌布洪澤雖復孤骸不返方爲漠北之塵營

魄知歸終結江南之草孤子徐君頓首王

三

三

與李邵書

徐陵

籍甚清徽常懷虛谷山川緬邈河渭象於經星顧望風流長安

遠於期日青萋戒節白露爲霜君子惟宜福履多愈維容廊廟

獻納便蕃雷使催書駐馬成檄車騎將軍賓客盈座丞相長史

瞻對有勞脫惠箋繪慰其翹想吾棲遲茂陵之下臥病漳水之

濱迫以晡歲難爲砭藥平生壯意竊愛篇章忽觀高文■勞

忤此後殷儀同至止王人授館用阻班荆常在公筵敬祈名作

獲殷公所借陪駕纔南入重陽閣詩及荊州大乘寺宜陽石像

碑四首鏗鏘竝奏能驚趙鞅之魂輝煥相華時瞬安豐之眼山



澤晚靄松竹參差若見三峯之峰依然四皓之廟甘泉鹵薄盡  
在清文扶風輦路悉陳華簡昔魏武虛帳韓王故臺自古文人  
皆爲詞賦未有登茲舊閣歎茲幽宮標句清新發言哀斷豈止  
悲聞帝泣望羊一詠歌梁之言便掩盈懷之淚至如披文  
相質意致縱橫才壯風雲義濶淵海方今二乘斯悟同免化城  
六道知歸皆踰火宅宜陽之作特會幽衿所觀黃絹之詞瀾懷  
白雲之頌但恨賒遠擅特高峰開士羅浮康公懸溜不獲銘茲  
雅頌耀彼幽岳伯環用忘饑渴握之不置恒如趙璧翫之  
不足同於玉枕京師長者好事才人爭造蓬門請觀高製軒車  
滿路如看太學之碑街巷相填無異華陰之市但豐城兩劍尙  
不俱來韓子雙環必希皆見莫不以好龍無別木鴈可嗤載望  
瓊瑤因乏行李金風已勁玉質宜調書不盡言但聞爰鑿



答莊允書

杜牧

某白莊先輩足下凡爲文以意爲主以氣爲輔以辭彩章句爲  
之兵衛未有主疆盛而輔不飄逸者兵衛不華赫而莊整者四  
者高下圓折步驟隨主所指如鳥隨鳳魚隨龍師衆隨湯武騰  
天潛淵橫裂天下無不如意苟意不先立止以文彩辭句繞前  
捧後是言愈多而理愈亂如入閭關紛然莫知其誰暮散而已  
是以意全勝者辭愈朴而文愈高意不勝者辭愈華而文愈鄙  
是意能遺詞詞不能成意大抵爲文之旨如此觀足下所爲文  
百餘篇實先意氣而後辭句慕古而尚仁義者苟爲之不已資



文苑英華選 卷四十二 書  
以學問則古作者不爲難到今以某無可取欲命爲序本當厚  
意惕息不安復觀自古序其文者皆後世宗師其人而爲之詩  
書春秋左氏已降百家之說皆是也古者其身不遇於世寄志  
於言求言遇於後世也自兩漢以來富貴者千百自今觀之聲  
勢光明孰若馬遷相如賈誼劉向揚雄之徒斯人也豈求知於  
當世哉故親見揚子雲著書欲取覆轡詭雄當其時亦未嘗自  
有誇曰況今與足下並生今世欲序足下未已之文此不可  
也苟有志古人不難到勉之而已某再拜

與程將軍書

駱賓王

昨見武郎將備陳將軍之言恩出非常談過其實恭承嘉會深  
用慙惶君侯懷管樂之才當衛霍之任豐功厚利盛德在人送  
往事屈元勳蓋俗智足以崇王業道足以濟蒼生尙且屈公侯  
之尊伸管庫之士若僕者天地中一無用芻狗耳粵自旌賁之  
辰卽逢聖明之曆材不應務不能成佐命之功智不適時不能  
包周身之防加以天資本強不能屈節權門道隔蓬心不能賈  
名時議常願爲仁由己喪我於吾見機可以絕機無用之爲有  
用隨時任其舒卷與物同其波流者矣其於木也班倕無所措



其鉤繩其於駕也良樂無所施其銜策不悟聖朝發明敷之詔  
君侯緝雍熙之道曲垂提獎廣賜游談謬以樛櫟之姿忝預賢  
良之薦當今鴻都富學麟閣多英非游夏不可以升堂非夔牙  
不可以擊節儻使片言失德事暴區中匹夫竊議語流天下進  
乖得賢之舉退貽薄德之譏恐不肖之軀爲高明之累耳必能  
一眚增價九術先登燕昭爲市駿之資郭隗居禮賢之門則當  
效駑駘之用飾固陋之心陶鑄堯舜之典謨憲章文武之道德  
上以究三才之能事下以通萬物之幽情將使詞翰爲行已外  
論文章是立身正路耳又何足道哉言而不慙者時惠予之  
我也所恨禁門清切造就無緣官守牽纏程期有限某尙期  
滿儻汎孤舟萬里煙波舉目有江山之恨百齡心事勞生無容  
漏之歎嗟乎流水不窮浮雲自遠霑襟此別把袂何時特以平  
生之私忘其貴賤之禮幸勿爲過謹不多談



論江陵耆老書

劉 瓛

太原王生嘗移耆老書以江陵故楚也子胥親逐其君臣夷其墳墓且楚人之所宜怨也而江陵反爲之廟世饗其饗謂耆老而忘其君父也吾以爲不然楚人之性慄悍世能復其仇雖其後自穰王入武關楚人怨秦不忘于戈况其人之性能忘胥之能破其國家而事之乎且今江陵之人牽牛羊而祝其廟者將祈年穀而獲凶荒禱疾病而得死亡者乎如厚其餼而虛其報則江陵知胥之不可祠而不祀矣若果祈年穀而得豐穰禱疾而獲康強有其餼而尋其報則破人之國而居其土辱人之







涉於榮名不戚戚於躬位蓋養親之故也豈謀身之道哉不圖  
希侯忽垂過聽禮以弓招之恩任以書記之事擬人則多慙阮  
瑀入幕則高謝郝超夫聶政荆軻刺客之流也田光豫讓烈士  
之分也咸以勢利相傾意氣相許尚且捐軀燕趙甘死齊韓今  
君侯無求於下官見接以國士正當陪麾後殿奉節前驅賈餘  
勇以求榮效輕生而答施所以逡巡於成命躊躇於從事者徒  
以風遭不造幼丁閔凶老母在堂久嬰羸恙藜藿無甘旨之膳  
松檟闕遷厝之資撫躬存亡何心天地故寢食夢想嗟指之戀  
徒深歲時蒸嘗崩心之痛罔極若僕者固名教中一罪人耳何  
面目以奉三軍之事乎况屬天倫之喪奄踰七月違膝下之養  
忽已三年而凶服之制將終哀痛之情未洩與言未慕舉日增  
傷夫怨於心者哀聲可以應木石感於情者至性可以通神明  
故徐元直指心以求辭李令伯陳情以窮訴上以棄興王之佐  
命下以全奉親之篤誠而蜀主不以爲非晉君待之愈厚此二  
者豈貪貧賤惡榮華厭萬乘之交甘匹夫之辱也蓋有不得已  
者哉人有乾沒爲心脂膏成性舍慈親之色養許明公以驅馳  
內忘顧復之私外存傳會之眷薄骨肉厚榮寵特育恩爲效則  
君侯何以處之而且義士期乎貞夫忠臣出乎孝子既不能推



心以奉母亦焉能死節以事人假物議之無嫌實吾斯之未信也况流沙一去絕塞千里予愴入寒之魂母切倚門之望就令歡以卒歲仰南薰之不貴而使憂能傷人迫西出而何幾君侯情深錫類道協天經明恕待人慈心應物儻矜犬馬之微願效烏鳥之私情寬其負恩遂其終養則竊魂有望老母知歸賓土再拜

與逸人徐則書

隋晉王庚

夫道得衆妙法體自然包函二儀混成萬物人能弘道道不虛行先生履德養空宗玄齊物將淡明義味曉達法門悅性沖和恬神虛白餐松餌柏棲息煙霞望赤城而待風雲遊玉堂而駕龍鳳雖復藏名台岳猶且騰實江淮籍甚嘉名有勞鼎祚欽承素道久積虛襟側席幽人夢想岳穴霜風已冷海氣將寒偃息茂林道體休逸念昔商山四皓輕舉漢庭淮南八公羽儀藩邸古今雖異山谷不殊帝朝之隱前賢往說遵凡述聖非先生而故遣使人往彼延請想無勞束帛竟然來思不待蒲輪去彼







客罕值其人。卿道冠鷹揚。騰高鳳舉。儒墨淵海。詞章苑圃。棲遲  
衡泌。懷寶逃邦。徇茲獨善。良以於悝。今遣行人。且宣往意。側望  
起予。甚於饑渴。相便輕舉。副此虛心。無信投石之談。宜慕鑿坏  
之逸。書不盡言。更慚詞費。

答馮子華處士書

乖別甫爾。已十餘年。誦采葛之詩。增其慨詠。夫人生一世。忽同  
過隙。合散動息。周流不居。偶逢其適。便可卒歲。陶生云。富貴非  
吾願。帝鄉不可期。又云。盛夏五月。跋脚北牕。下有涼風。暫至自  
謂是。養皇生入。嗟乎。適意為樂。雅會吾心。吾河洛間。有先人故  
田十五六頃。河水四澆。東西趨岸。各數百步。古人云。河濟之濱。  
宜黍。况中州之腴乎。家兄鑿裁。通照知吾。縱恣散誕。不關拜揖。  
糠粃禮義。錙銖功名。亦以俗外相待。不拘以家務。至於鄉族慶  
弔。閨門婚冠。寂然不與者。已五六歲矣。親黨之際。皆以山麋野



鹿相畜性嗜琴酒得盡所覆幸甚幸甚近復都盧棄家獨坐河  
渚結構茅屋并廚廩總十餘間奴婢數人足以應役用天之道  
分地之利耕耘蔗棗黍稷而已春秋歲時以酒相續兼多養息  
鴈廣牧雞豚黃精白朮枸杞薯蕷朝夕采掘以供服餌牀頭素  
書數帙莊老及易而已過此已往罕嘗或被忽憶弟兄則渡河  
歸家維舟岸側興盡便返每遇天地晴朗則於舟中詠大謝亂  
流趨孤嶼之詩眇然盡破澤山林之思覺羸州方丈森然在目  
前或時與舟人漁子方潭竝釣俛仰盡樂戴星而歸歌詠以會  
意爲巧不必與夫聞人更相唱和孤往河渚旁無四鄰聞犬聲  
望煙火便知息身之有地矣迺復有人見贈五品地黃酒方及  
種薯蕷枸杞等法用之有效力省功倍不能殫脩渾沌竝常行  
之裴孔明雖是異名教物然風月之際往往有高人體氣兼特  
受巧性思若有神自作素琴一張云其材是嶧陽孤桐也近攜  
以相過安軫竝柱龍脣鳳翻實與常琴不同發音吐韻非常和  
朗吾家三兄生於隋末傷代擾亂有道無位非汾亭操蓋孔子  
龜山之流也吾嘗親受其調頗爲曲盡近得裴生琴更習其操  
洋洋乎覺聲器相得今便畱之恨不得使足下爲鍾期良用耿  
然吾所居南渚有仲長先生結庵獨處三十載非其力不食芻



無侍者雖患瘡疾不得交語風神蕭蕭可無俗氣攜酒對飲尚  
有典刑先生又作獨遊頌及河渚先生傳開物寄道懸解之作  
也詩取玩讀便復江湖相忘吾往見薛收白牛溪賦韻趨高奇  
詞義曠遠嵯峨蕭瑟真不可言壯哉逸乎揚班之儔也高入姚  
義嘗語吾曰薛生此文不可多得登太行俯滄海高溪極矣吾  
近作河渚獨居賦爲仲長先生所見以爲可與白牛連類今亦  
寫一本以相示可與清溪諸賢共詳之也亂極治至王途漸亨  
天災不行年穀豐熟賢人充其朝農夫滿於野吾徒江海之士  
擊壤鼓腹輸太平之稅耳帝何力於我哉又知房李諸賢肆力  
廟廊吾家魏學士亦申其才公卿勤勤有志於禮樂元首明哲  
股肱爲良何慶如之也夫思能獨放湖海之上才堪濟世王者  
所須所恨姚義不存薛生已沒使雲羅天網者有所不該以爲  
歎恨耳吾比風痺發動常劣劣不能住然煙霞山水性之所適  
琴歌酒賦不絕於時時遊人間出入郊郭暮春三月登於北山  
松柏羣吟藤蘿繁景意甚樂之箕踞散髮與鳥獸同羣醒不亂  
行醉不干物賞治興窮還歸河渚蓬室簞牖彈琴誦書優哉游  
哉聊以卒歲首夏漸熱足下何如也願動息多宜黃頰之聚何  
時暫忘偶以南風略示所懷敬願珍厚不一一王君白



答刺史杜之松書

土續

博士陳龕至奉處分借家禮并帙封送還請領也。又承欲相招講禮。聞命驚笑。不能已已。豈明公前采或徒與下走相知不熟也。下走意疎體放。性有由焉。兼棄俗遺名爲日久矣。淵明對酒非復禮義能拘。叔夜攜琴。惟以煙霞自適。登山臨水。邈矣忘歸。談虛語玄。忽焉終夜。僻居南洛。時來北山。兄弟以俗外相期。鄉閭以狂生見待。歌去來之作。不覺情親。詠招隱之詩。唯憂句盡。惟天席地。友月交風。新年則柏葉爲餽。仲秋則菊花盈把。羅含宅內。自有幽蘭數叢。孫綽庭前。空對長松一樹。高吟朗嘯。挈榼



攜並道與同志爲羣不知老之將至欲令復整理簪履修束精神揖讓邦君之門低昂刺史之坐遠讓糟粕近棄醇醪必不能矣亦將恐芻狗貽夢樵社見嘲去矣君侯無落吾事王君白

前日見命竹開元寺僧書其辭贊外人之言季中知入

世誠足下相知之心無不到也雖然期學聖人之心焉則不敢讓乎知聖人之道者也當見命時意亦思之熟矣吾知銘是鐘也吾將明聖人之道焉則於釋氏無益也吾將順釋氏之教而述焉則給乎天下甚矣何貴乎吾之先覺也吾之辭必傳於後世有聖人如仲尼者之讀吾辭也則將大責於吾矣吾畏聖人也夫銘古人多有焉湯之盤銘其辭云云衛孔理之鼎銘其辭云云秦始皇帝之嶧山銘其辭云云皆可以紀功伐垂勸銘

文苑英華選 卷四十一



於盤則曰盤銘於鼎則曰鼎銘於山則曰山銘盤之辭可遷之於鼎鼎之辭可遷之於山山之辭可遷之於碑唯時之所紀爾及蔡邕作黃鉞銘亦紀功於黃鉞之上爾或盤或鼎或碑山或黃鉞其意與言皆同非如高唐上林長楊爲之作賦云爾近代之文士則不然爲銘爲碑大抵詠其形容有異於古人之所爲其作鐘銘則必詠其形容與其音聲與其財用之多少銘鑄之勤勞耳非謂勸功德垂戒勸於器也推此類而極觀之其不知君子之文也亦甚矣然其所爲文亦皆有盛名於時天下之人咸謂之善焉吾不知吾所獨知其能賢於人之皆不知乎天下人庸以不知者云善則吾之獨知又何能云善乎雖然吾亦順吾心以順聖人爾阿俗從時則吾不忍爲也故當時甚未敢承教爲其所懷也如前所云足下欲吾之必銘是鐘也當順吾心與吾道則足下之名必傳於後代矣如欲從俗之所云則天下屬辭之士願爲之者甚衆矣何藉於李翱之辭哉幸思之也日中時將過淮而南書以通意且爲辨也







臨叩之一食客耳武不足以服衆文不足以動時長劔屈於無  
知鴻筆淪於不用泊乎雄圖蹶運至尊納背水之謀麗藻升朝  
天子賞陵雲之作威加海岳聲振廊廟彼淮陰之俠少成都之  
遺老也及焉能知遠近哉是以墜物於墜不於成賞士於窳不  
於達是知卞和之得玉也精出於岸谷之間張華之得劔也氣  
發於星辰之際夫豈琢磨成器然後知其寶剗斷爲能然後知  
其用哉仰惟鄉耆等竝玉山高族金提勝侶列子弟於千城耀  
衣冠於百代或以風雲去國公孫躍馬之年鍾鼎從王諸葛攀  
籠之日門庭相接雕甍將綺棟連陳機杼相和鳳攝並虬梭交  
響金漿玉饌食客三千絳幘青裳家僮數百泚襟涉識人多江  
漢之靈麗藻華文代有雲淵之氣北齋開敞南館虛闈詩酒同  
歸琴書合契忘機得意恥稽阮之交疎虛席延賓恨原嘗之容  
少賢煙霞之藪洋風月之津梁者乎劉仲文之遠識不以乾沒  
詣梁城閱仲叔之高風不以日腹累安邑雖其已沒生氣猶存  
况乎屬宇宙之明當天下之泰不能俯拾青紫高視縉紳攀北  
極而謁帝玉入南宮而取卿相齊肩側足求哀鍾馗之間低首  
俛膾取濟斗升之末嗟乎誠下官所以仰天漢而鬱拂臨江山  
而慷慨者也但時可以未遇道可以未行志願可以未成功業



可以未就古之才足以輔玉業躡迹屠釣之間功可以濟巨川  
藏身版築之下百里奚之負販陳湯之丐貸而况於庸庸者哉  
此僕所以駁奔於顧盼之餘自致於恩光之末也且夫精神而  
感尙動神明意氣相交豈慙車馬倘能投心季子遙存素紵之  
恩援手應侯先致絺袍之贈豈人之情也能無報乎方今白藏  
紹序朱律謝期天高而林野疎候肅而江山靜輕蟬送夏鶯晚  
吹於風園旅鴈乘秋動宵吟於露渚絲纒成於南畝杭黍被於  
東阡時計有儲願履多福下官薄遊緇載飄寓淹時歡嘖相仍  
憂虞自積嗟梁鴻之咬岳何暇長謠臨阮籍之長途唯知痛哭

履虞自積嗟梁鴻之咬岳何暇長謠臨阮籍之長途唯知痛哭



遺崔頤書

陸倕章于

昔漢氏西京梁王建國平臺東苑慕義如林馬卿辭武騎之官  
於乘罷弘農之守每覽史傳嘗竊怪之何乃脫略官榮棲遲藩  
邸以今望古方知雅志彼二子者豈徒然哉足下博聞強記鉤  
深致遠視漢臣之三篋似陟蒙山對梁相之五車若吞雲夢吾  
兄欽賢重士敬愛忘疲先築郭隗之宮常置穆生之醴今省重  
關土宇更普山河地方七百牢籠曲阜城兼七十包舉臨淄大  
啟南陽方開東閣想得奉飛蓋曳長裾籍璫筵躡珠履歛山桂  
之偃蹇賦池竹之檀欒其崇貴也如彼其風流也如此幸甚幸



甚何樂如之高視上京有懷德和才謝天人多慙予建書不盡  
言寧俟繁辭卑困以於奉頌益史又稱繁辭

關土守復習山稱世式少自半節曲卑如命十十

大為贊重士端受之其世果而與之官常留

其世果而與之官常留

歐川今聖古大味折志始二十落豈其然若吳丁割開

外來聖如豐之中或實史斯皆論益之能久則湖自榮對

昔英凡西京樂王豐園平嘉東於墓蓋收林濕

文苑英華選卷之四十三目錄

疏 趙鼎始崇節善盡市

趙寶土

諫太宗敗臘疏

虞世南

請復位太子疏

蘇安恒

諫伐高麗疏

李君求

請罷西戍四鎮疏

狄仁傑

諫不破突厥疏

盧承甫

論奉親享廟疏

馬周

論度支疏

權德輿



奏楊素疏

梁費毗

檄文

魏

爲李密檄洛州文

祖君彥

爲李密檄郇王慶文

魏

爲濮陽公檄劉禎文

李商隱

露布

趙史

姚州被賊露布

駱賓王

破賊設蒙儉等露布

駱賓王

移文

元世俊

東魏與梁請和移文

元世俊

評文

元世俊

彈張瑾將軍等文

杜止倫



文苑英華選卷之四十三

瀛州 宮夢仁定山 手訂

諫太宗畋獵疏

虞世南

臣聞秋獮冬狩蓋爲恒典射隼從禽備乎前誥伏惟陛下因臆  
覽之餘辰順天道以殺伐將欲推班碎掌親御皮軒窮猛獸之  
窟穴盡逸材之林藪夷凶翦暴以喬黎元收革權羽用充軍實  
旌旗較獵式遵古典然黃屋之尊金輿之貴八方之所仰德萬  
國之所係心清道而行猶戒衝擲斯蓋慎重防微爲社稷計也





是以馬卿言於前張昭變色於後臣誠微賤敢忘斯義且夫  
弧矢畢陳所殪已多頒禽賜獲皇恩亦溥伏願時急獵車且韜  
長戟不拒芻蕘之請降絛涓澮之流粗楊徒博任之羣下貽範  
百王末光萬代

臣聞忠臣不順時而取寵烈士不惜死而偷生故君道不明者

忠臣之過歟臣道不軌者烈士之過歟昔者先皇晏駕留其禡  
託將以萬務殷廣令陛下兼知政事雖唐堯虞舜居其位而共  
江伯繇在其朝間陛下骨肉之恩阻陛下母子之愛愚臣謂聖  
情以運祚將衰拯斯大節天下之人謂陛下微弱李氏貪天之  
功何以年在耄倦而不能復乎明辟使忠言莫進姦邪乘時肆  
翟紛擾屠害黎庶陛下雖納隍興念亦何以救此生靈臣聞天  
下者神堯文皇之天下也昔有隋失馭小人主羣雄駿鹿四



海瞻烏皇唐親事戎旃鳳翔參野削平甯賊敵放踐極歆血爲  
盟指河爲誓非李氏不王非功臣不封陛下雖居正統實因唐  
氏舊資故詩曰惟鵠有巢惟鳩居之此言雖小可以喻夫陛下  
自坤生德秉乾作注豈不以土符天意至順人心東宮昔在諒  
陰相王又非長子陛下恐宗祀中絕所以應其謳歌當今太子  
追廻年德俱盛陛下貪其寶位而忘母弟深恩臣聞京邑翼翼  
四方取則陛下蔽太子之元良在太子之神器何以教天下母  
慈子孝焉何以使天下移風易俗焉惟陛下思之將何聖顏以  
見唐家宗廟將何誥命以謁太帝墳陵陛下何故日夜積憂不  
知鐘鳴漏盡臣愚以爲天意人事還歸李家陛下雖安天位殊  
不知物極則反器滿則傾故語曰當斷不斷反受其亂此之謂  
也陛下不如高揖樞務自怡聖躬命史臣以書之令樂府以歌  
之斯亦太平之盛事也臣聞見過不諫非忠臣也畏死不言非  
勇士也臣何惜一朝之命而不安萬乘之國哉故曰苟利國家  
雖死可矣願陛下暫輟萬務詳臣愚見陛下若以臣爲忠則從  
諫如流擇是而用若以臣爲不忠則斬取臣頭以今天下



諫高宗將伐高麗疏

李君求

臣聞心之痛者不能緩聲事之急者不能安言性之忠者不能  
隱情且食君之祿者死君之事今臣食陛下之祿矣其敢愛身  
乎臣聞司馬法曰國雖大好戰必亡天下雖安忘戰必危兵者  
凶器戰者危事故聖主明廷重行之也憂人力之盡恐府庫之  
殫懼社稷之危生中國之患故古人云務廣德者昌務廣地者  
亡昔秦始皇好戰不已至於失國是不愛其內而務其外故也  
漢武遠討朔方逮乎萬里廣拓南海分爲八郡終於戶口減半  
國用空虛至於末年方垂哀痛之詔自悔其失彼高麗者遐荒



小醜潛藏山海之間得其人不足以彰聖化棄其地不足以損  
天威何至乎疲中國之人傾府庫之實使男子不得耕耘女子  
不得蠶織陛下爲人父母不垂惻隱之心傾其有限之賞貪其  
無用之地設令高麗既滅卽不得不發兵鎮守少發則兵威不  
足多發則人心不安是乃疲於轉戍萬姓無聊生也萬姓怨則  
天下敗矣天下旣敗陛下何以自安故臣以爲征之不如不征  
滅之不如不滅新舊唐書臣等伏以今用食器不之節矣其

臣等請罷西戎疎勒等四鎮疏其國東罷吐蕃出師狄仁傑

臣聞天生四彝皆在先王封域之外故東距滄海西隔流沙北  
橫大漠南阻五嶺此天所以限無疆而隔中外也自典籍所紀  
聲教所及三代不能至者國家盡兼之矣此則今日之四境已  
達於夏殷者也詩人矜薄伐於太原美化行於江漢是則前代  
之遠裔而國家之域中至前漢時匈奴無歲不犯邊殺略吏人  
後漢則西羌侵軼漢中東寇三輔入河東土黨幾至洛陽由此  
言之則陛下今日之土宇過於漢朝遠矣若其用武荒外邀功  
絕域竭府庫之實以爭礪礪不毛之地得其人不足以增賦獲



其土不足以耕。雖苟求冠帶遠彝之稱。不務固本安人之術。此秦皇漢武之所行。非五帝三皇之事業也。若使越荒外以爲限。窮絕域以騁欲。非但不愛人力。亦所以失天下之心也。昔始皇之下死者如亂麻。於是天下潰叛。漢武追高皇之宿憤。藉四帝之儲實。於是定朝鮮。討西域。平南越。擊匈奴。府庫空虛。盜賊蜂起。百姓嫁妻賣子。流離於道路者。萬計。末年覺悟。息兵罷役。封丞相爲富人侯。故能爲天所祐也。昔人有言曰。興覆事同軌者。未嘗安。此言雖小。可以喻大。近者國家頻歲出師。所費鉅廣。西成四鎮。東戍安東。調發日加。百姓虛弊。聞乎西戚。事等石田。費用不支。有損無益。轉輸靡絕。梓柚殆空。越磧踰海。分兵防守。行役既久。怨曠益多。昔詩人云。王事靡盬。不能藝黍稷。豈不懷歸。畏彼罪罟。念彼蒸人。涕零如雨。此則前代怨思之詞也。上不是恤。則政不行。而邪氣作。邪氣作。則蟲螟生。而水旱起。若此。雖禱祀百神。不能調陰陽矣。方今關東饑饉。蜀漢逃亡。江淮以南。徵求不息。人不復業。則相率爲盜。本根一搖。憂患不淺。其所以然者。皆爲遠戍方外。以竭中國。爭蠻貊不毛之地。垂子育蒼生之道也。昔漢元納賈捐之之謀。而罷朱崖郡。宣帝用魏相之策。而



棄車師之田豈不欲慕尚虛名蓋憚勞人力也近貞觀年中虢平九姓冊李思摩爲可汗使統諸郡蓋以彝翟叛則伐之降則撫之得推亡固存之義無遠戎勞人之役此則近日之盛典實綏邊之故事竊見阿史那斛瑟羅陰山貴種代雄沙漠若委之四鎮使統諸郡以爲可汗遣禦寇患則國家有繼絕之美荒外無轉輸之勞如臣所見請捐四鎮以肥中國罷安東以實遼西省財力於遠方并甲兵於塞上則恒代之鎮重而邊州之備實矣况撫綏彝翟蓋防其越逸苟無侵侮之患則已矣何必窮其窟穴與螻蟻計較長短哉且王者外寧必有內憂蓋爲不勤修政故也伏惟陛下棄之度外無以絕域未平爲念但當蓄銳以待敵待其自致然後擊之此李牧所以制匈奴也當今所要者莫若令邊城警守備遠斥堠聚軍實蓄威武以逸待勞則戰士力倍以主禦客則我得其便堅壁清野則寇無所得自然賊濊入必有顛躓之慮濊入必無鹵獲之益如此數年可不擊而服矣



夫... 臣聞有虞成熙苗人逆命殷宗大化鬼方不賓則戎翟侵軼其  
來遠矣漢高帝納婁敬之議與匈奴和親妻其宗女賂以鉅萬  
冒頓益驕邊寇不止則遠荒之地凶獷之俗難以德綏可以威  
制而降自三代無聞上策今匈奴不臣擾我亭障皇赫斯怒將  
整元戎臣聞方叔帥師功歌周雅去病耀武勳烈燕山則萬里  
折衝在於擇將春秋謀元帥取其閱禮樂敦詩書晉臣杜元凱  
射不穿札而建平吳之勳是知中權制謀不在一夫之勇其番  
將沙吒忠義等身雖駑悍志無遠圖此乃騎將之才本不可以

諫不破突厥疏  
甫

文苑英華  
卷四十三  
八



當大任且臨出以律將軍死綏秦剋長平趙括受戮弧去馬邑  
王帳坐誅則棄軍有刑古之常典近者鳴沙之役主將先逃輕  
挫國威須正邦憲又其中軍旣敗陣亂矢窟義勇之士猶能死  
戰功合紀錄以勸戎行賞罰旣明將士盡節此擒敵之術也臣  
聞以蠻彝攻蠻彝中國之長算故陳湯統西域而郅支滅常惠  
挫烏孫而匈奴敗請購辨勇之士班傅之倚効結諸蕃與圖攻  
取此又掎角之勢也臣聞昔置新秦以實塞下宜因古法募人  
從邊選其勝兵免其行役次廬伍明教令則攻習戎事究識夷  
險其所鹵獲因而賞之近戰則守家遠戰則利貨趨赴鋒鏑不  
勦訓誓朝賜楊柳夕歌秋杜十年之後可以久安臣聞漢拜班  
都匈奴避境趙命李牧林弧遠竄則朔方之安危邊城之勝負  
地方千里制在一賢其邊州刺史不可不慎擇得其人而任之  
蒐乘訓兵屯田積粟謹候烽燧飭練戈矛來則懲而禦之去則  
備而守之此又古之善經也去歲亢陽天下不稔利在保境不  
可窮兵使內郡黔黎各安其業擇其宰牧輕其徭賦事無遺舉  
爵不以私愛人之財節其浮侈惜入之力不廣臺榭察地利天  
時以趨耕獲命秋獮冬狩以教戰陣則數年之後有勇知方帑  
藏山積金革犀利然後整大軍絕大漠雷擊萬里風掃二庭斬







遠慈旨愛惜人力而蕃舞朝見及四方觀聽有不足者臣願營  
築雉堞修起門觀務從高顯以稱萬國之望則大孝昭乎天下  
矣臣又伏見明策以二月二日幸九成宮臣竊惟太上皇春秋  
已高陛下宜朝夕視膳晨昏起居今所幸宮去宮三百餘里鑿  
輿動輒嚴蹕俄經旬日非可以旦暮至也儻太上皇情或思感  
而欲卽見陛下者將何以逮之且車駕今行本爲避暑然則太  
上皇尚留熱所而陛下自逐涼處溫清之道臣竊未安然敕書  
旣出業已成就願示速反之期以開衆惑臣又見詔書令宗室  
功臣悉就蕃國貽厥子孫嗣守其政非有大故無或絀免臣竊  
惟陛下封植之者誠愛之重之欲其胤嗣承守而與國無疆也  
臣以爲必如詔旨者陛下宜思所以安存之富貴之何必使代  
官也何則以堯舜之父猶有朱均之子儻在孩童嗣職萬一驕  
愚則兆庶被其殃而家國蒙其患正欲絕之也則子文之治猶  
在也正欲存之也則樂螫之惡已彰也與其毒害於見存之百  
姓則寧使割恩於已亡之一臣明矣然則向所謂愛之者乃適  
所以傷之也臣謂宜賦以茅土疇其戶邑必有才行隨器方授  
則雖其翰翮非強亦可以獲免尤累昔漢光武不任功臣以吏  
事所以終全其代者良得其術也願陛下深思其宜使得奉大



恩而子孫終其福祿也臣又聞聖人之化天下莫不以孝爲本  
故曰孝莫大於嚴父嚴父莫大於配天又曰國之大事在祀與  
戎孔子亦云吾不與祭如不祭是聖人之重祭祀也如此伏惟  
陛下踐祚以來宗廟之享未曾親事伏緣聖情獨以鑿輿一出  
勞費則多所以忍其孝思以便百姓遂使一代之史不書皇帝  
人廟之事將何以貽厥孫謀垂則來葉臣知大孝誠不在俎豆  
之間然則聖人之訓人固有屈己以從物特願聖恩顧省愚款  
臣又聞致化之道在於求賢審官爲政之基必自揚清激濁故  
孔子曰唯名與器不可以假人是言慎舉之爲重也臣伏見王  
長通白明達本自樂工與卑雜類韋槃提斛斯正則更無他材  
獨解調馬縱使術踰儕輩能有可取止賜金帛以富其家豈宜  
列預士流超受高爵遂使朝會之位萬國來庭騶于倡人鳴玉  
曳組與夫朝賀君子比肩而立同坐而食臣竊恥之然成命旣  
往縱不可追謂宜不可使在朝班預於仕伍也



論度支疏

權德輿

十一月十二日將仕郎守右補闕臣權德輿謹昧死頓首上疏  
皇帝陛下臣聞建官惟賢任人以器細大畢效輳輻無遺蓋就  
其所長以求至當古人所以有優於趙魏而劣於滕薛敗於粟  
卮而理於頰陽誠才各有所極也伏見司農少卿權判度支裴  
延齡早以文學累居官次固而似守刻而少通徒有專謹之心  
且非適時之器在者貳大農之卿長司太倉之出納號爲稱職  
蓋有相規陛下急於獎能切於賞善權委邦賦冀有成績且度  
支所務天下至重量入爲出從古所難使物無遺利而不可竭



竭則害生。邇使奸無隱情而不可刻刻則傷人和。調其盈虛制其損益。上繫邦本。下繫元元。苟非全才通識。則有所壅自。延齡受任已近半載。羣議紛然。皆曰非宜。且權其輕重。固與守之才不同。邊儲經費之功。懋遷移用之法。貴無畱事。以酌乎中。簿領簡書。周行郡國。失於毫釐。利病相萬。一物未理。所軫皇情。而延齡切於感恩。昧於量力。思有以效強。所不通。則有枉尺直尋之心。多方自固之計。違伺其隙。人售其奸。因緣蒙蔽。觸類滋長。致遠。恐泥學製實傷。異時甚敗罪之何補。伏料聖意久未正授。延齡職名似觀其能。不以爲進退。官司閭里衆口一心。評議諠譁。所不可遏。伏望與一二宰臣時有裁議。或詔問度支郎官。使得以事實條對。苟言者謬妄。蓋有以辨之。或才實未稱。恐難久處。倘擇能代命。以他官以全延齡。以便天下上副求理之意。下遂陳力之宜。則事任交修。職業不廢。臣忝備員。陛下諫諍之官。常服師訓。緘默自負。無以爲容。况嗣宗口不言人之短。臣心常師之。但以束帶立朝。則異於是。職當獻納。豈敢顧身耳。有所聞心。有所見義。在無隱。以奉聖明言。而獲戾。臣之死所。不勝愚誓。惴款之至。伏惟陛下裁擇。謹奏。



奏楊素疏

梁毗

竊見左僕射楊素幸遇愈重權勢日隆所私皆非忠讜所信咸是親戚子弟布列兼州連縣天下無事自可息圖四海稍虞必為禍始夫奸臣擅命有漸而來王莽資之於積年桓玄纂之於易世卒殄漢祀終傾晉祚陛下若以素為阿衡臣恐其心未必如伊尹也



取時代也

爲李密檄洛陽文

敬啟者其暴殄賦賦祖君彥

自元氣肇闢厥初生人樹之帝王以爲司牧是以義農軒項之  
后堯舜禹湯之君靡不祇畏吐之愛育黔首乾乾終日翼翼小  
必取朽索以同危履薄冰而是懼故一物失所若納隍而愧之  
一夫有罪遂下車而泣之謙德軫於責躬憂勞切於罪己普天  
之下率土之濱蟠木距於流沙瀚海窮於丹穴莫不鼓腹擊壤  
鑿井耕田致之升平驅之仁壽所以愛之若父母敬之若神明  
固能享國多年祚延長久未有暴虐臨人克終天位者也隋氏  
往因周末預奉緩衣狐媚而圖聖寶眩儀而取神器及纘戎負



戾狼虎其心始瞠明兩之暉終于少陽之位先皇大漸待疾禁  
中遂爲梟獍便行鳩毒於是罪濫於萬僕費酷於商臣天地之  
所不容神明之所鑿積加以州吁安忍閔伯日尋劒閣所以懷  
凶晉陽於焉起亂旬人爲罄淫刑斯逞夫九族旣睦唐帝闢其  
欽明百世本支文王表其光大况乃黎穰盤古勦絕維城唇亡  
齒寒寧止虞虢欲其長久其可得乎其罪一也禽獸之行在於  
聚麀人倫之禮別於內外而蘭陵公主逼幸告終誰謂數首舜  
帝之賢翻見齊襄之恥逮於先皇嬖御竝進銀環諸王子女咸  
貯金屋牝雞鳴於誥且雄雉恣其羣飛袒服戲陳侯之朝穹廬  
同冒頓之寢爵賞不出女謁遽戚公卿宣淫無復綱紀其罪二  
也平章百姓一日萬幾未曉求衣晨晷忘食是以大禹不重於  
尺璧光武無隔於反支體此憂勤後慮幽枉而荒涵於酒得晝  
作夜或號或呼酣嗜聲伎常居窟室每藉糟丘朝謁罕見其身  
羣臣希覩其面斷決自爾不行敷奏於焉停壅中山十日之飲  
醪酏無知襄陽三雅之杯畱連詎比又廣召良家充選宮掖潛  
爲九市親駕四驅自比商人見逆逆旅殷紂之譴爲小漢靈之  
罪更輕內外驚心遐邇失望其罪三也止棘下宇著在易爻茅  
茨椽椽陳諸史籍聖人本意唯避風雨詎待珠玉之華寧須綈



錦之麗故瓊宮崇構商辛以之滅亡阿房崛起秦族以之傾覆而不遵古典不念前車廣立池臺多營宮觀金鋪玉戶青瑣丹墀蔽虧日月隔闕寒暑窮生人之筋力罄天下之資財使鬼尚難爲之勞人罔知不可其罪四也公田所藉不過千畝人力所供才止三日是以輕徭薄賦不奪農時寧積於人無藏於府而科稅繁猥不知紀極猛火屢燒漏卮難滿頭會箕斂逆折十年之租杼柚其空日損萬金之費父母不保其赤子夫妻相棄於匡牀萬戶則城郭空虛千里則煙火斷滅西蜀王孫之室翻同原憲之貧東海糜竺之家俄成鄧通之鬼其罪五也古先哲王上征巡狩唐虞五載周則一紀本欲親問疾苦觀省方俗乃廣積薪芻多聚饗餼年年歷覽處處登臨從臣疲弊供頓辛苦而飄風凍雨聊竊比於前驅車轍馬蹤遂周行於天下秦皇之心未已周穆之意難窮宴西母以歌雲浮東海而觀日家苦納桔之勤人阻來蘇之望且夫天子有道守在海內彝不亂華在德非險長城之役戰國所爲此是狙詐之風非闢稽古之法而乃追蹤秦代版築更興廣營基址延袤萬里遂使屍骸蔽野血流成川積怨比於丘山號哭動於天地其罪六也遼水之東朝鮮之地禹貢以爲荒服周王棄而不臣示以羈縻達其聲教苟



欲愛人非求拓土。又強弩末矢不能穿於魯縞。衝風餘力非敢動於鴻毛。石田得而無堪。雞肋食而何用。而恃衆怙強。竄兵黷武。務在吞并。不思長策。夫兵猶火也。不戢將自焚。遂使億兆彝人。隻輪莫返。夫差喪國。實爲黃池之盟。符堅滅身。良由壽春之役。欲捕鳴蟬於前。不知黃雀於後。復矢相顧。髮弔成行。義夫切齒。壯士扼腕。其罪七也。直言啟沃。王臣匪躬。唯木從繩。若金須礪。唐堯建鼓。思聞獻替之言。夏禹懸鞀。時聽箴規之美。而乃悞諫。違卜。妬賢嫉能。直士正人。皆由屠戮。左僕射齊國公高潁。上柱國宋國公賀若弼。或文昌上相。或緝柝執臣。誓吐良藥之言。翻加屬鏹之賜。龍逢無罪。遂遭夏癸之誅。王子何辜。濫被商辛之戮。遂令君子結舌。賢人鉗口。指白日而比盛。射蒼天而敢欺。不悟國之將亡。不知死之將至。其罪八也。設官分職。貴在銓衡。察獄問刑。無聞賂鬻。而錢神起論。銅臭爲公。梁冀受黃金之蛇。孟他薦蒲萄之酒。遂使彝倫攸斁。政以賄成。君子在野。小人在位。積薪居上。驗汲黯之言。囊錢不如傷趙壹之賦。其罪九也。宣尼有言。無信不立。用命賞祖。義豈食言。自獨夫嗣位。每歲行幸。南北巡狩。東西征伐。至於浩蕩陪蹕。東都固守。閑鄉野戰。馮門被圍。自外征伐。不可勝紀。既立功勳。須酬爵賞。而志懷翻覆。言



行浮說臨危耶動賞懸授克定則絲綸不行異商執之資金同  
項王之刑印勞餌之下必有懸魚惜其重賞求人死力走丸逆  
坂譬此非難凡百驍雄莫不憚忿至於匹夫薑爾宿諾不虧况  
在乘輿二三其德其罪十也有一於此未或不亡况四維不張  
三空總萃無小無大愚夫愚婦共識殷亡咸知夏滅罄南山之  
竹書罪無窮決東海之波流惡難盡是以窮奇災於上國契偷  
暴於中原三河縱封豕之貪四海被長蛇之毒百姓殲亡殆無  
遺類十分之計才一而已蒼生凜凜咸憂杞國之崩赤縣嗷嗷  
俱恣歷陽之陷且國祚將改必有常期六百喪殷之年三十終  
姬之數故讖錄皆云隋氏三十六年而滅此則厭德之象已彰  
代終之兆先見皇天無親惟德是輔况乃櫓槍竟天中禱謂之  
除舊歲星入井甘公以爲義興兼以朱雀門燒正陽日食孤鳴  
鬼哭川竭山崩竝是宗廟爲墟之妖荆榛旅庭之事夏后則災  
釁非多殷人則咎徵更少牽牛入漢方知天亂之期玉良策馬  
始驗兵車之會今者順人將革先天不違大誓孟津陳盟景毫  
三千列國八百諸侯不謀而同辭不召而自至羣羣隱隱如霆  
如雷雕虎嘯而谷風生應龍躩而景雲起我魏公聰明文武齊  
聖廣淵備七德而在躬包九有而挺秀周太保魏國公之孫上



柱國滿山公之子家傳盛德武王承季歷之基地啟元勳世祖  
嗣元皇之業篤生白水且角之相更彰載誕丹陵天寶之文斯  
著加以姓符圖識名協敬謠六合所以歸心三靈於焉改卜文  
王厄於美里赤雀方來高祖隱於碭山彤雲自起兵誅不道赤  
伏至自長安鋒銳難當黃星出於梁宋九五龍飛之始大人豹  
變之初歷試諸難大敵彌勇上柱國司徒東郡公翟讓功宣締  
構翼亮經綸伊尹之贊成湯蕭何之輔高帝土柱國總管齊國  
公孟讓柱國歷城公孟暘柱國絳郡公裴行儼上大將軍左長  
史邴元真等竝運籌千里勇冠三軍擊劔則斬蛟截鼉彎弧則  
啼猿落鴈韓彭絳灌成沛公之基寇賈吳馮奉蕭王之業復有  
蒙輪挾輈之士拔距投石之夫冀馬追風吳戈照日魏公屬當  
期運撫茲億兆躬擐甲冑跋涉山川櫛風沐雨豈辭勞倦遂與  
西伯之帥將問南巢之罪百萬軍旅四七爲名呼吸則河渭絕  
流叱咤則嵩華自拔以此攻城何城不克以此擊陣何陣不摧  
譬猶決滄海而濯殘滂舉崑崙而壓小卵鼓行而西百道俱進  
以四月二十一日屆於東都而昏朝文武畱守段達韋津等昆  
吾惡稔飛廉奸佞尚迷天數敢拒義師驅率醜徒衆有十萬迴  
洛倉北遂來舉斧於是熊羆角逐貔虎爭先因爾倒戈之心乘



我破竹之勢曾未旋踵瓦解冰消坑卒則長平未多積甲則能  
耳爲少達等助紂爲虐嬰城自固梯衝亂舞徒設九拒之謀鼓  
角潛鳴空馮百樓之險燕巢衛幕魚遊宋池殄滅之期匪朝伊  
夕然迴洛虎牢國家積儲我已先據爲日久矣既得迴洛復取  
黎陽天下倉儲盡非隋有四方赴義萬里如雲足食足兵無前  
無敵裴光祿仁其雄才上略受命東征遐邇攸馮安危是託乃  
識機知變遷虞事夏袁謙擒於藍水張須陀獲在滎陽竇慶戰  
歿於淮南郭絢授首於河北隋之亡沒斷可知也清河公房彥  
藻近秉戎律略地東南師之所臨風行電擊安陸汝穎則隨機  
蕩定淮安濟陽則俄然送款徐圓郎已平魯郡上柱國東平王  
海公久破齊陰於是海內英雄咸來嚮應封民瞻取平原之境  
郝孝德據滎陽之倉李士才一作雄虎視於長平王德仁鷹揚於  
上黨滑郡公李景考功郎中房孝基發自臨榆劉興祖起於北  
朔崔白駒自潁川起房獻伯以譙郡來各擁數萬之兵俱期牧  
野之會滄溟之右函谷以東牛酒溢於軍前壺漿盈於道左諸  
君等並衣冠華胄杞梓良材歆神靈澤之秋裂地封侯之始豹  
變鵠起今正其時鼙鳴龜應見幾而作各宜鳩率子弟共建功  
名耿弁之赴光武蕭何之奉高帝當以金章紫綬軒蓋朱輪富



貴以重當年忠貞以傳奕葉豈不盛哉若隋氏官人同夫桀尤尚荷王莽之恩仍懷蒯瞶之祿審配死於袁氏不如張郃歸曹范增困於項王未若陳平從漢魏公雅以赤心當加好爵覆木而處幸不自疑脫其猛虎猶與舟中敵國風沙之民共縛其主彭寵之僕自殺其君高官上賞卽以相授如暗於成事守迷不返峴岡縱火玉石俱焚義等噬臍悔將何及黃河帶礪明余旦旦之言皎日麗天知我勤勤之意布告天下咸使聞知

為李密檄榮陽守郇王慶文

魏徵

密既屯鞏洛東得黎陽河南郡縣莫不響應唯榮陽不下王卽隋之宗室密以一城之地不足以動大兵先命行人開陳禍福

早掘芳猷未諧披展甚為翹行與寢增勞寒勢轉嚴比得清吉及處危城無乃憂悴自昏狂嗣位多歷歲年剝削生民塗毒天下瓊室瑤臺之麗未極驕奢糟丘酒池之荒非為淫亂加以違忠臣之諫從婦人之言殺戮賢良科稅無已是以蝟毛而起豹變其文共舉義旗戡翦凶虐今屯營鞏洛開發太倉賑恤饑羸咸從克健吳戈電照隸首算而無窮冀馬雲屯弘羊計而難盡

文苑英華選 卷四十三 魏徵



是以八方竝凌萬里俱來莫不期入關以亡秦爭渡河而滅紂  
東窮海岱南泊江淮凡厥遺黎承風慕義唐公起兵晉陽臨軍  
灞岸三秦父老千里犒師叫義同心共爲犄角元寶藏武陽興  
義卽取黎陽燕趙之郊來蘇成詠唯滎陽一郡仍獨守迷爰以  
宗盟尚疑銜璧敬陳鍼藥冀愈膏肓夫微子紂之長兄親實爲  
重項伯籍之季父成乃非疎然猶去朝歌而處周背西楚而歸  
漢豈不眷戀宗祏畱連骨肉但爲識寶鼎之將移知神器之先  
改河決不可壅樹顛不可維所謂玄覽通人明鑒君子者矣而  
王之先代家住山東本姓郭氏乃非楊族止爲宿與隋朝頗有  
勳舊遂得預沾磐石名在葭苻叟敬之與漢高殊非血胤呂布  
之於董卓良異天親芝焚蕙歎事不同此又王之昏主心若虎  
狼儲忿同胞乃甚沉闕惟勇及諒咸罄甸師魏文之毒任城漢  
武之鳩河獻假使宗祧是疎不間親况乃族類爲非何能自  
保王之爲臣無所獻納不能曲突徙薪除煩去惑致令四海鼎  
沸百姓亂麻高壘深溝自固而已藩屏之寄豈若是乎欲免大  
責其可得也爲王計者莫若舉城從義開門送款識機知變足  
爲美談乃至子孫長守富貴今王世充屢被摧破偷存漏刻段  
達守東都窘迫自救無聊世充朝亡彼便夕死又東都荒酣酒



色流瀆忘歸內外崩離人神怨憤上江來船皆被抄截士卒餒  
餒半菽不充事切拆骸義均煮弩舉烽火於驪山諸侯莫至浮  
膠船於漢水還日未期近得朱粲啟詞銳師百萬以破襄陽總  
帥熊羆沿流東下剋期指日定滅江都分項籍於五侯切王莽  
於千段王獨守孤城絕援千里餓糧之計僅有月餘弊卒之多  
才盈數百何以恃賴欲相抗拒求枯魚於市肆卽是未遙因歸  
鴈以運糧竟知何日然城中豪傑王之腹心思殺長吏將爲內  
應只恐禍生七首疊起蕭牆空以七尺之軀徒償千金之購可  
爲寒心可爲酸鼻者也今魏豹百萬馬首欲東唯待王世充破  
了鼓行東邁梯衝亂舞鼓角潛鳴笑號叔之死馬悲襄城之唯  
類南陽守齟封侯之事杳然東門逐獵臨刑之歎何晚淡相愛  
惜裂帛裁書幸可三思自求多福



單 爲濮陽公椒劉頑文

其恩莫計報李商隱

足下前以肺肝布諸簡素仰承復命猶事枝詞夫豈告者之不  
忠抑乃聽之而未審擇福莫若重擇禍莫若輕一去不迴者良  
時一失不復者機事噫嘻執事誰與爲謀延首北風心焉如灼  
是以再陳禍福用釋危疑言不避煩理在易了丁寧懇款至於  
再三者誠以某與先太師相國俱沐天光竝爲藩后昔云與國  
今則親鄰而大年不登同盟未至飯具纔畢穩衣莫陳乃後  
生遽乖先訓遷延朝命迷失臣職不思先軫之忠將覆藥書之  
族此僕隸之所共惋兒女之所同悲况其擁節臨戎援旗誓衆



封疆甚邇音旨存忍欲賣之以爲己功間之以開戎役將欲  
未寤欲罷不能願思苦口之言以定東身之計昔先太尉相公  
常蹈亂邦不從逆命翻身歸國全家受封居韓之西爲國之屏  
棄代之際人情帖然太師相公以早副軍牙久從征旆事君之  
節已著居喪之禮又彰故乃獎其象賢仍以舊服納職貢賦十  
五餘年於我唐爲忠臣於劉氏爲孝子人之不幸天亦難忱纔  
加壯室之年奄有壞梁之歎主上渡固義烈是降優恩蓋將顯  
足下之門爲列藩之式不欲劉氏有自立之帥上黨爲辜恩之  
軍俾之還朝以聽復命其義甚著其恩莫借昨者祕不發喪已

諭一月安而拒詔又歷數旬祕喪則於孝子未聞拒詔則於忠

臣已失失忠於國失孝於家望此用人由茲保族是亦坐薪言  
秦巢幕云安智士之所寒心謀夫之所辭舌矧於僕者得不動  
心竊計足下之懷執事之論當以趙氏傳子魏氏襲侯欲迨巡  
希恩顧望謀地耳夫事殊者趣異勢別者迹睽胡不度其始而  
議其終奪其華而尋其實願爲足下一二陳之趙魏二侯於其  
先也親則父子於其人也職則副戎賞罰得以相參恩威得以  
相抗故朝廷推而與之今足下之於太師也地則相近職非副  
戎賞罰未嘗相

恩威未嘗相抗稽喪則於義爽拒詔則於事



乖此趙魏二伯事殊而勢別矣此施之於太師趙魏則爲繼  
代象賢之美施之於足下足下則爲自立擅命之尤得失之間  
其理甚白又計足下未必不恃太師之好賢下士重義輕財吳  
國之錢往往而有梁園之客比比而來將倚以爲牆藩託以爲  
羽翼使以謀取使以數求細而思之此又非計山高則抵羊自  
至泉淡則沉玉自來已立然後人歸身正然後士附語有之曰  
政亂則勇者不爲鬪德薄則賢者不爲謀故吳淝有奸而鄒陽  
去燕惠無德而樂生奔晉寵大夫卒成分國之禍衛多君子孰  
救渡河之哉此之前車得不深鏡代憲四祖文明繼興當時燕

趙中山淮陽齊魯連結者幾姓旅拒者幾侯咸逆天用人背惠  
忘德據脂掌之地謂可逃刑倚親戚之私謂能取信一旦地空  
家破首裂支分鬪者不能爲謀明者固以先去悔而莫及末如  
之何先太尉與李洧尚書齊之密戚楊太保與蘇肇給事蔡之  
懿親竝據要地方州領精甲銳卒及其王師戾止我武惟勦則  
割地驅人以降送款輸忠以入非不顧密戚非不念懿親非不  
思恩非不懷惠道以逆順是逼死生實難能與其同休不能與  
其共戚故也況足下大未及齊蔡久未及李吳將以其人動於  
不義僕固恐以國縛主之卒重生彭寵之家不義之侯更



出又計足下賞過太行九折之險部內數州之饒兵士尚強倉儲且足謂得支久謀而使安危哉此心自棄何速昔李抱真相國用彼州之人破朱滔於燕國困田悅於魏郊連兵轉戰綿歲經時而潞人夫死不敢哭子死不敢悲何者李相公奉討逆之命爲勤王之師義著而誠順故也及盧從史釋喪就位賣降冀功將乘討伐之時欲肆兇邪之性計未就而人神已怒事未立而兵衆已離以萬夫之長困一卒之手驅轡北闕棄屍南荒而潞之人猶老者捫髀少者扼腕謂朝廷不卽顯戮漢爲失刑其故何哉以從史不義不暱去安就危衆黜其謀下不爲用故也

三師去就非因傳聞鳩杖之人鯨背之叟知其本末尚能言之則太行之險固不爲悖者之守數州之衆固不爲邪者之徒此又其不足恃也由此言之則何以敗名譽隳家聲何事舍君命何道求死士何計得人心此僕所以對被忘餐推枕不寢爲足下惜爲足下危而不知其所以然也况太師比者養牛添卒畜馬訓兵旁招武幹之材中舉將軍之令然而輕於遠近頗有是非雖朝廷推赤心弘大度而不逞者已有乖異之說橫議者屢興恃惡之歎人之多言亦可畏也誰爲來者宜其弔之今足下背季父引進之天大朝文誥之令則是實先太師之孚籟彰



昭義軍之有謀。人姪則致叔父於不忠。為人孫則敗乃祖於無後。亦何以對燕趙之士。見齊魯之人。耶。又計足下旬日之前。遣次爲慮。今茲追改。懼有後艱。此左右者不明。而咨詢之未盡也。近者李尚書祐。董常侍重質之輩。並親爲賊將。拒我官軍。納質於匪人。效用於戎首。久乃來復。尚蒙殊恩。皆受郡符。咸領旗鼓。不能悉數。厥徒實繁。豈有足下藉兩代之餘資。弄數萬之舊旅。俛首聽命。舉宗效誠。則朝廷又豈以一日之稽遲。片辭之疑異。而致足下於不測。沮足下於後至。故事具存。可以明驗。幸請自求多福。無辱前人。護龍旆以歸洛師。秉象笏而朝魏闕。必當動庸繼代。富貴通身。無爲鄰道所資。使作他人之福。儻尚淹歸。款未整來。軒戎臣鼓勇以爭先。天子赫斯而降怒。金帛一受。牙璋四馳。魏衛壓其東南。晉趙出其西北。拔距投石者。數逾萬計。科頭擊手者。動以千羣。兼驅挽虎之材官。仍率射鵬之都督。感義則日月能駐。勃憤則砂石可吞。使兵用火焚城。將水灌魏。趣邢郡。趙出洛州。分二大都之間。是古平原之地。車甲盡輸於此。境糗糧反聚於他人。恃河北而河北無儲。倚山東而山東不守。以兩州之殘殍。抗百道之奇兵。比累卵而未危。寄孤根於何所。則老夫不佞。亦忘焉。願驅敢死之徒。以從諸侯之末。豈能孤



之口入天井之。巨浪難防長聽易扇此際必當驚地底之鼓  
角駭樓上之梯衝喪貝躋陵飛之期既絕投戈散地灰釘之  
望斯窮自然麾下平生盡忘舊愛帳中親信卽起他謀辱先祖  
之神靈爲明時之哂笑靜言其漸良以驚魂今故再遣使車重  
申丹素懼鑿前代之成敗訪歷事之實察思反道敗德之難念  
順令畏威之易時以吉日躋茲坦塗勿餒劉氏之魂勿汗路人  
之俗封帛增歆含毫益酸延望還章用以上表成敗之舉慎惟  
圖之不宣河陽三城節度使王茂元頓首

兵部奏姚州破賊諾沒弄揚虔柳露布林而賂寶  
臣聞北辰列象六合奉天子之尊南面乘乾一統成聖人之業  
是知衣裳所會義有輯於殊鄰霜露所均誠兼育於異類故塗  
山萬國誅後至者防風丹浦一戎緩禽者就日然則陳弧矢  
以威天下法雷霆而震域中四時行焉天道不能去殺五兵備  
矣阜業所以勝殘事切救焚雖順時而濟物恩深祝網不獲已  
而用兵伏惟皇帝陛下登翠媽以握圖憲紫微而正象玄功不  
幸混太始以凝神至道無名竹華胥而得夢闡文教以清中夏  
崇武功以制九環海十洲通波太液之水鄧林萬里交影甘



泉之樹反踵穿胃之域襲冠帶以來王奇肱儻耳之會奉正朔而請吏逆賊蒙儉和舍等浮竹遺札沉木餘苗邑殊禮義之鄉人習貪殘之性日者皇明廣燭帝道遐融頗亦削左雜而被朝衣解椎髻而升華冕而豺狼有性梟鏡難馴遂敢亂我天常率九種而背誕負其地險攜七部以稽誅騷動邊疆寇攘州縣是用三門授律長驅無戰之師五月渡瀘溪入不毛之地去月二十一日軍次三脚峴嶺前後捕得生口知守捉山羌傷山連結十部蠻首徒五萬衆此山卽南郡中之巨防也岡巒千里西通大荒之郊谿谷萬重南極炎洲之境聳喬林而插月陰兔有

假道之標拔崇岳以隱天陽烏無翅翼之地峯危取馬路絕懸車賊據臨岱之形乘建瓴之勢徵風名雨蜩起蜂飛驅雜種以挺妖封狐千里肆沉黎而作孽雄虺九頭臣以爲制敵以權柔遠者或存於德教伐叛以義決勝者不在於干戈於是廣布朝恩恭宣帝德申之以安撫曉之以存亡信重蠻隊無負黃龍之約賁隆漢爵不踰白馬之盟地接冉駝詞屢殫於喻蜀俗通盤瓠聲不輟於吠堯臣遣左三軍子總管等遠將軍前守右驍騎萬安府長史折衝都尉上柱國劉會基率檢校果毅驍騎尉并陘縣開國男劉玄棟等銜枚遠襲卷甲前驅履危旆而設潛兵



疑從天落乘間遂而掩不備似出地中又遣右三軍子總管明  
威將軍行右武衛翊府中郎將上柱國高奴弗率左武衛天水  
府折衝都尉張仁操等陟南山之南衝其要害之路又遣左一  
軍子總管前右金吾翊府左郎將上柱國孫仁感率衛尉府右  
果毅都尉王文雅等陵北山之北絕其飛走之途賊首領揚虔  
柳諾沒弄諾覺斯等振螳螂之力拒轍當輪縱蚊蚋之羣彌山  
滿谷劉會基高奴弗孫仁感等並忠勤克著智略遠聞識明君  
之重恩輕生有地提太阿之雄劍視死無時彎弧而兇黨土崩  
舉刃而妖徒瓦解雖危蒼沸鼎未窳鳥首之誅救死扶傷猶改

折散之請二十二日臣遣副總管兼安撫副使定遠將軍前左  
驍騎翊府中郎將令狐智通率右武衛良將府左果毅都尉韓  
惠德等擁貔豹之雄順天機而左轉道管內安撫副使朝議大  
使持節守銀州刺史上柱國宜春縣開國李太志率前左  
武衛翊初府右果毅都尉上柱國陳弘義等驅象犀之卒乘地  
軸以右廻又遣行軍司馬朝散大夫守雋州都督府長史上柱  
國梁待璧率守右金吾衛宜昌府果毅都尉閻文成等總投石  
拔距之材蹈中權而射其背又遣前守右威衛龍西府果毅都  
尉康雷買等騰躍鐵敵金之騎犯前茅而扼其喉臣等守左



衛清官府左果殺許懷秀等橫玉弩以高臨從金鉞而直進玄  
雲結陣影密西郊赤堇揮鋒氣衝南斗颺煙塵而匝地白日爲  
之晝香積氛祲以稽天蒼冥爲之晦色兵交刃接鳥散魚驚自  
卯及申追奔逐北斬首千餘縱轉戰三十里激流督而爲泉似  
變長弘之血委亂骸而擠壑若泛鼈靈之屍旣而照盡高春雲  
昏乙夜賊乃收集餘衆淡據重岳臣度彼遊魂慮其宵遁使三  
軍齊進四面合圍二十三日乘魚爛之危啟蛇形之陣揚麾誓  
衆杖節訓兵一鼓先登賞必懸於芳餌九攻失律罪無赦於嚴  
誅五都材雄三河俠少或生居燕地尤攻卽墨之圍或家本秦  
人早習昆明之戰叱咤則江山搖蕩慷慨則林壑飛騰舉鵬翼  
以揚威耀犀渠而賈勇激氛廓殺回夏景以潰春冰滅迹掃塵  
若霜風之卷秋鞞戰喻百里時歷三期前後生擒四千餘人斬  
首五千餘級諾沒弄揚虔柳等殞元行陣懸首旌門蒙儉和舍  
等委辮奔馳脫身挺險雖復刑以止殺丁壯咸伏於誅夷禮不  
重傷斑白必存於寬宥昔魏成伐蜀徒聞蒞醬之奇漢使聞邛  
纔通竹杖之利益若膺紫泥而弔伐指丹微以臨戎一戰而益  
獲已擒再舉而哀牢授首斯顯皇威遠暢廟略遐宣奉立德以  
配天徒知帝力掩黃輿而闢地豈曰臣功無任慶快之子謹遣



天卦收帝... 黃輿而開... 曰明... 無... 封... 宣奉... 文... 以... 重... 白... 存... 實... 昔... 鑿... 外... 闢... 封... 間... 益... 濟... 之... 奇... 異... 開... 不... 首... 正... 春... 繪... 珠... 精... 好... 弄... 悲... 歎... 華... 港... 衣... 汗... 轉... 纏... 首... 戴... 門... 蒙... 劍... 味... 舍... 苦... 風... 之... 寒... 煉... 舞... 劍... 白... 里... 報... 靈... 三... 眼... 前... 鈴... 主... 飾... 四... 千... 翁... 入... 海... 以... 點... 無... 靈... 畢... 乘... 而... 賈... 長... 船... 晨... 帆... 兼... 回... 夏... 景... 以... 肯... 春... 水... 為... 故... 淵... 動... 入... 早... 嘗... 異... 世... 之... 輝... 如... 扣... 順... 耳... 山... 蓋... 蕪... 則... 琳... 瑯... 翠... 翠... 巖... 巖... 駱賓王

兵部奏姚州破賊設蒙儉等露布... 駱賓王... 臣聞七緯經天星墟分張翼之野八紘紀地炎洲限建木之鄉... 西距大秦雜金莖而孕氣南通交趾枕銅柱以爲鄰俗帶白狼... 人習貪殘之性河淪赤虺川多風雨之妖水積炎氛山涵毒霧... 竹... 節... 肇... 興... 外... 域... 之... 源... 木... 化... 九... 隆... 顯... 爲... 中... 國... 之... 患... 年... 將... 千... 祀... 代... 歷... 百... 王... 鄭... 純... 之... 化... 不... 追... 孟... 獲... 之... 風... 逾... 扇... 故... 三... 年... 疲... 衆... 徒... 聞... 定... 斧... 之... 機... 五... 月... 出... 師... 未... 息... 渡... 瀘... 之... 役... 然... 則... 大... 人... 拯... 物... 上... 聖... 乘... 期... 法... 乾... 坤... 以... 握... 樞... 帶... 剛... 柔... 而... 建... 極... 知... 仁... 義... 不... 能... 禁... 暴... 設... 刑... 網... 以... 勝... 殘... 知... 揖... 讓... 不... 可... 濟... 時... 用... 干... 戈... 而... 靜... 亂... 伏... 惟... 皇... 帝... 陛下... 神... 摠... 載... 正... 出...



地軸以登皇道契書繩揜天紘而踐帝之雲入戶纂靈慶於丹  
陵蒼錄升壇薦禎圖於翠渚垂衣裳以朝萬國崇玉帛而禮百  
神昭儉防奢露臺惜中人之產宣風布政明堂法上帝之宮致  
羣生於大和登品物於仁壽四神踐雪五老飛星君圓祥麟女  
牀鳴鳳韻歸昌於帝梧四隩同文五風異色配林萬里纔疏苑  
囿之基層城九重未浚池隍之域合璧照臨之地候月歸琛大  
鑪覆載之間占風納賚蠢茲蠻貊敢亂天常橫赤燁以疏疆背  
朱堤而設險石林萬仞品邑千重望秦阜以相傾峭陵失四塞  
之阻對梁山而錯峙劒門成一簣之峯自謂絕壤遐荒中外足

以迷聲教馮溪負固江河可以逃靈誅殊不知玉弩垂芒

涵集作

萬水無九嬰之珍瑤階舞戚洞庭有三苗之墟臣等謬以散材  
忝專分闕白招乘候順秋帝以揚旌絳節臨邊通夜郎而解辦  
自營開窟穴旆轉坤山峻岐折坂之危盡亡襟帶滇池漏江之  
固曾失藩籬唯逆賊設蒙儉等未革狼心仍懷豕突陸梁放命  
旅拒偷安地接祠雞竟無心於改旦山多神鹿終未息於擇險  
臣以大帝宣威有征無戰明王杖順先德後刑弘聖澤於中孚  
緩天誅於大造庶南薰解愠仰雲闕以翔魂東律和音扣轅門  
而頓顙祝僉疎網徒開三面之恩毒虺挺妖愈肆九頭之暴乃



鳩集餘衆蟻結兇徒僭耳椎髻之渠千里霧合鑿齒雕題之孽  
一呼雲屯疊石菌以開營拒嚴椒而峻壘崇巒切漢若登藏寶  
之山絕壑馮霄似瞰封泥之谷去前月十七日連營布陣據險  
揚兵東西三十餘里馬步二十餘萬聚蚊蚋而成響聲若雷霆  
縱蛇豕以爲羣氣稽宇宙臣遣中郎將令狐智通等擁拔山超  
海之師當其步陣遣銀州刺史李太智等驅躍景騰雲之騎乘  
其馬軍遣雋州都督府長史行軍司馬梁待璧等領勁卒二千  
絕其飛走之路遣臨源府果毅馬仁靜等勒精兵九百斷其潛  
伏之軍臣率行軍長史韓餘慶等負霜戈而直指

驅庶令斬馘七擒將士挾雷公之怒伏屍百里蠻彝識天子之  
威於是三略訓兵五申誓衆先登陷敵唯標大樹之功後拒亂  
行必致出梁之罰楚人三戶蜀都五丁氣擁玄雲精貫白日暗  
鳴則乾坤搖蕩呼吸則海岳沸騰列旗影以雲舒似長虹之東  
指橫劍鋒而電轉疑大火之西流刃接兵交洞智達臆自辰踰  
午魚爛土崩沸殘息於層峰更切守陣之哭積圓顛於重阜殆  
成京觀之形唯賊帥夸于未悟傾巢之兆敢懷拒轍之心猶率  
馬軍平川轉鬪驚塵亂起六合爲之寢光殺氣相稽四溟由是  
變色副總管李太智忠惟徇國義則志擊臨危而貞節逾明制



敵而機疎、孤遠、丹誠自守、雖九死其如歸、白刃交前、豈三軍之  
可奪、投袂則歿、徒霧耶拳旗而逆黨、冰摧於是、乘利追奔、因機  
深入、困獸猶鬪、似化糜君之魂、竊鳥尚飛、如驚杜宇之魄、斷甲  
卒七千餘級、獲裝馬五千餘疋、僵屍蔽野、臨赤坂而非遙、流血  
灑途、覩丹微而不遠、首領和舍等並計窮力屈、面縛軍門、寬其  
萬死之誅、弘以再生之路、唯蒙儉脫身、挺險委命、竊山顧巢穴  
以靡依、延晷漏而何幾、况妖徒革面、荒外非復他人、部落離心  
舟中皆爲敵國、瞻言烏首、指日可期、凡所歸降、隨事招撫、與之  
更始、復其故業、首丘懷戀、疑臨舊國之墟、安堵知歸、似入新豐  
之市、然後班師、遞水振旅、出山建鴻業於武功、鳴玄猷於文敘  
庶荒陬、襲中邦之禮、邊疆息外寇之虞、華封祝堯、兆皇基於千  
歲、彝歌頌漢、美王澤於三章、宜與夫天帝前星、廣賜秦公之冊  
坤元益地、遙開王母之圖、蓋亦有云、曾何足紀、斯竝玄謀、廣運  
妙略、遐覃一戎而荒景肅清、再鼓兩邊、隅底定、豈臣等提戈擐  
甲、克全百勝之功、杖節揚麾、能遍九變之策、謁臺銜而獻捷、大  
帝成規、聞杖杜以勞還、小臣何力、不勝慶快之至、謹遣行軍司  
馬朝散大夫守雋州都督虜長史上柱國梁待璧奉露布以聞  
軍資器械別傳錄上







心匪情灌。運有通樂。夙期所望。實協虛想。猶恐失詞。或乖其實。眷言在茲。件聞良信。至彼假節。開遠軍李稜。昔經垂翅。遂挂天網。矜是南寇。給之還書。故因其致書。用宣朝旨。若覆前言。共敦鄰好。當拂逆旅。以待行人。

彈張瑾將軍等文

杜正倫

臣聞陳力就列。不能者止。鐘鳴漏盡。夜行宜息。故張良多病。辭少傅。而專道養。韋賢告老。謝丞相。而乞骸骨。豈唯體非筋力。不可疲殆。從政抑亦情重謙退。欲以廉讓弘道。自時積亂。離久習流。弊仁義之化。忽之其若。遺名利所存。苟得而無恥。今四海乂安。羣生樂業。陛下思治之情。勞於寤寐。臣謂欲防其末。先正其本。若廉恥之教不行。則升平之化無自。謹按瑾等。理治之教。義多罕稱。出身事主。行能兼闕。年方壯也。尚不如人。耄及及之。無能為矣。張瑾。拔迹行陣。素無才略。自歸聖朝。總屬過任。子王之



戰頓有喪師須賈之髮未足論罪朝廷假以餘年不寘於法陛下再造天地更施雲雨瑾等竝以髮齒流恩遂使名器踰量特進之號擬迹竇周公冠軍之名連衡霍去病既年在遲暮習老成宜思靜退自安止足而外託闕庭之戀內希筐篚之恩牽力衰朽強顏預朝陛下仁愛之心形容於萬物以其不堪侍立特於廊下賜坐叨榮自若聞寵不驚貪競之志更淡覲冒之顏愈厚臣聞設法訓人務弘其效引年敬老終取於賢寧有庸庸之流諄諄若是而可均彼上痒忝茲厚秩且名曰人臣事非朝列養非貴德坐異論道縱慶雲之會不別荆棘闕恩傷教其如禮何臣以庸才謬當朝寄風俗未清實任其咎瑾等爵秩既隆虧損尤大釋此不問安事狐狸激貪止競宜從隗始儻天地含容未至屏黜請斥放之罷歸里第且七十致仕古今通規近代以來貪競不息臣隨卽舉劾恐陷罪者多內外諸司有如此比散下知之使遵節制四維以張彝倫式敘



英華選卷之四十四目錄

序

洛州張司馬集序

張說

獨孤常州集序

李舟

補闕李君前集序

梁肅

玉臺新詠集序

徐陵

又玄集序

章莊

樂府雜詩序

盧照鄰

入蜀紀行詩序

王勃



登祕書省閣詩序

楊炯

李舍人山亭詩序

楊炯

嵩山舊隱詩序

顧雲

堂陽亭子詩序

劉詠

尋楊隱居詩序

劉詠

二遊洞詩序

白居易

送徐錄事詩序

韓愈

別潭唱和詩序

韓愈

文苑英華選卷之四十四

瀛州 宮夢仁定山 手訂

洛州張司馬集序

張說

夫言者志之所之。文者物之相雜。然則心不可蘊。故發揮以形容。辭不可陋。故錯綜以潤色。萬象鼓舞。入有名之地。五音繁會。出無聲之境。非窮神體妙。其孰能與乎。洛州司馬張公名希元。中山人也。族高辰象。氣壯河山。神作銅鉤。天開金印。孝友內樞。禮樂外。茲勵行。閨庭鄉人謂之曾子。藎名都邑。許儒號曰聖童。



下帷覃思穿牀嗜古蓬山芸觀之書羣玉懸金之記魯宮藏篆  
汲冢遺編無不日覽萬言暗識三篋博學吞九流之要處盈若  
虛雄辯敵四海之鋒退藏於密漢王問策知帝者之師楚子聞  
名實諸侯之選故得雄飛白簡鷹揚丹筆卷檐帷於天都設鉤  
距於皇州若乃抗埋輪之章執驚馬之議旌賢有通德之教疾  
惡存暑背之文繼軌前途遇物成興理關刑政咸歸故事之臺  
義涉箴規盡入名臣之奏加以許與氣類交遊豪傑仕邁夷險  
身更不泰昔嘗攝戎幽易謫居卍嶠亭臯漫漫興去國之悲旗  
鼓洵洵助從軍之樂時復江鶯遷樹鷓鴣出雲夢上京之臺沼

想故山之風月發言而宮商應搖筆而綺繡飛逸勢孤標奇情  
新拔靈仙變化星漢昭回感激精微混韶武於金奏天然壯麗  
絳雲霞於玉樓當代名流翕然崇尚自大夫之頌成室太史之  
賦京郡魏則十龍儒雅晉則三陽藻緞朝分南北運迄周隋文  
人才子重世間出豈止柎榘體物陳琳得以示人鷓鴣寄辭阮  
籍稱其王佐故以開國籍鱗次平史傳之首入文場羽儀乎天  
下之半公增繁榮葉桂林之一枝彌廣源流荆江之九派宗門  
多士斯爲盛與且如承家舊德之基賓王歷官之序玉瑄銅渾  
之數黃公玄女之符落猿瘴甲之巧顧鵲題鸞之妙詳諸別傳



可畧言焉。其文通蘭芬。楚聯棣萼。荷千里之嘉獎。接四友之良遊。謹撰命引式題前集七子賦詩。期取類於鄭志一家。垂範庶齊。衡於孔叢。來日新文。請俟君子起儀鳳之後。景龍以前。凡若干卷。列之如目。

獨孤常州集序

李舟

傳曰物生而後有象象而後有滋滋而後有數數成而文見矣始自天地終於草木不能無文也而况於人乎且夫日月星辰天之文也丘陵川瀆地之文也羽毛彪炳鳥獸之文也華葉彩錯草木之文也天無文四時不行矣地無文九州不別矣鳥獸草木無文則混然而無名而人不能用之矣人無文則禮無以辨其數樂無以成其章有國者無以行其刑政立言者無以存其勸誠文之時用大矣哉在人賢者得其大者禮樂刑政勸誠是也不啻睹其細者或附會不說以立異端或雕斲成言以



碑對合其而玩專心或順庸聲以諧俚耳其甚者則矯  
誣盛德訛風教爲蠱爲盜爲妖爲孽噫文之弊有至是者可  
無痛乎天后朝廣漢陳子昂獨泝潰波以趣清源自茲作者稍  
稍而出先大夫嘗因講文謂小子曰吾友蘭陵蕭茂挺趙郡李  
遐叔長樂賈幼幾伯所知河南獨孤至之皆憲章六藝能探古  
人述作之旨賈爲玄宗巡蜀分命之詔歷歷如西漢時文若使  
三賢繼司王言或載史筆則典謨訓誥誓命之書可彷彿於將  
來矣嗚呼三公皆不處此地而遺多故惟獨孤至常州刺史  
享年亦促豈天之未欲振斯文耶小子所不能知也已矣常州  
諱及有遺文三百篇安定梁肅編爲上下帙分二十卷作爲後  
序常州愛士而肅最爲所重討論精多故其爲文之意肅能言  
之比葬博陵崔貽孫又爲神道碑悉載行事而痛其不登論道  
之位崔公剛而好直其詞不黨君子謂之知言昔班孟堅美漢  
得人之盛曰文章則司馬遷相如又曰劉向王褒以文章顯是  
則四君子者有漢之文雄歟然而遷無鄉曲之譽虧大雅明哲  
保身之美相如薄於貞操有滌器受金之累向無威儀遺文以  
繆而身幾不免褒多爲歌頌當時議者以爲淫靡不急其他無  
聞焉大較闕多陷輕躁否則悞狹迂僻於事故弛其能蹈履



中道可謂... 者寡矣孰與常州發論措詞皆王霸大畧孝悌  
之至達於神明善與人交久而敬之當官正色不畏強禦加之  
以仁惠愛物吏民敬畏而文又如是乎其餘則三君既言之矣  
今竄錄崔氏之作綴於篇末云爾

補闕李君前集序

梁蕭蕭

文之作上所以發揚道德正性命之絕次所以財成典禮厚人  
倫之義又其次所以昭顯義類立天下之中三代之後其流派  
別矣漢制度以霸王道雜之故其文亦二賈生馬遷劉向班固  
其文博厚出於王風者也枚叔相如揚雄張衡其文雄富出於  
霸塗者也其後作者理勝則文薄文勝則理消理消則言愈繁  
繁則亂矣文薄則意愈巧巧則弱矣故文本於道失道則博之  
以氣氣不足則飾之以辭蓋道能兼氣氣能兼辭不當則文斯  
敗矣唐詩賦... 幾二百載而文章三振初則廣漢陳子昂以風



雅草河伯之良燕國張公說以宏茂廣波瀾天寶已還則李員外蕭功曹賈常侍獨孤常州比肩而出故其道益熾若乃其氣全其辭辨馳騫古今之際高步天地之間則有左補闕李君君名翰趙郡贊皇人也天姿朗秀率性聰達博涉經籍其文尤工故其作敘治亂則明白坦蕩紆餘條鳴端如貫珠之可觀也陳道義則游泳情性深微豁冥渙乎春冰之將泮也廣勸戒則得失相維吉凶相追焯乎元龜之在前也頌公美則溫旨顯融協於大中穆如清風之中人也議者又謂君之才若崇山出雲神禹導河觸石而彌六合隨山而注巨壑蓋無物足以導其氣而閱其行者也世所謂文章之雄舍君其誰歟弱冠進士登科解褐補衛縣尉其後以奏記忤參淮西節度軍謀累遷大理司直天子聞其才名拜左補闕俄加翰林學士夫士之處世用舍計乎才進退牽乎時始君筮仕值蔽善者當路故屈於下位中歲多難時方用武故屈於外藩及夫入宣室而揮宸翰也方用人文以飾王度則因疾罷免嘻昔之君子賢人運與事并得信其志者稀矣其餘屬雅道喪缺黃鐘棄毀若孟子轅軻士安多病亦何可勝論唯斯文足以振當世餘烈足以遺後嗣此之謂不朽君既想歸骨於河南之陽翟家愈貧而祿不及志愈邁而文



益壯曜...所述作三十卷曰雲間集命予序之君與予實  
有伯喈使宣之義故書於篇

其細腰衛國佳人俱亦訝其纖手閨詩明禮非直東鄰之自媒  
婉約風流無異西施之被教弟兄協律自小學歌少長河陽由  
來能舞琵琶新曲無待石崇筵後雜引非因曹植傳鼓瑟於楊  
家得吹簫...以坐籠聞長樂陳后知而不平畫出天仙閣  
陵雲槩日田涂之所未窺千門萬戶張衡之所曾賦周王璧臺  
之上漢帝金屋之中玉樹以珊瑚作枝珠簾以瑇瑁爲柙其中  
有麗人焉其人也五陵豪族充選掖庭四姓良家馳名永巷亦  
有穎川新市河間觀津大家嬌娥會名巧笑楚王宮內無不推

玉臺新詠集序

徐陵

...



氏覽而述如東鄰巧笑唯侍寢於更衣西子微嚳將橫陳  
於巾幘陵遊馭夢騁纖腰於結風長樂鴛鴦奏新聲於度曲妝  
明蟬之薄鬢照障馬之垂鬟反插金蓮橫抽寶樹南都石黛最  
發雙蛾北地燕支偏開兩靨亦有嶺上仙童分丸魏帝腰中寶  
鳳授曆軒轅金星與婺女爭華靡月共姮娥競爽驚鸞冶袖時  
飄鞞椽之香飛燕長裾宜結陳王之佩雖非圖畫入甘泉而不  
分言異神仙戲陽臺而無別真可謂傾國傾城無對無雙者也  
加以天情開朗逸思彫華妙解文章尤工詩賦琉璃研匣終日  
隨身翡翠筆牀無時離手清文滿篋非惟芍藥之花新製連篇  
寧止蒲葦之樹九日登高時有緣情之作萬年公主非無累德  
之辭其佳麗也如彼其才情也如此旣而椒宮宛轉柏館陰岑  
絳劔晨嚴銅鋪晝靜三星未夕不事懷衾五日猶餘誰能理曲  
優游少託寂寞多閒厭長樂之疎鐘勞中宮之緩箭輕身無力  
怯南陽之擣衣生長淡宮笑扶風之織錦雖復投壺玉女爲歡  
盡於百嬌爭博齊姬心賞窮於六者無怡神於暇景唯屬意於  
新詩可得代彼萱蘇微蠲愁疾但往世名篇當今巧製分諸麟  
閣散在鴻都不務連章無由披覽於是然脂冥寫弄筆晨書選  
錄豔歌凡爲所卷曾無參於雅頌亦靡濫於風人涇渭之間若



斯而已於是厚以金繩之寶軸三臺妙札龍伸蠖屈之書五色花牋河北膠東之紙高樓鉛粉仍定魚魯之文辟惡生香聊防羽陵之蠹雲飛六甲高禪玉函鴻烈仙方長推丹枕至如青牛帳裏餘曲既終朱鳥廳前新妝已竟方當開茲縹帙散此緗編未對玩於書帷長循環於織千如鄧學春秋儒者之功難習竇傳卻老金丹之術不成固勝西蜀豪家託情窮於魯殿東臺甲館流詠止於洞簫變彼諸姬聊同棄口猗與彤管無或譏焉

又玄集序

韋莊

謝玄暉文集益編止誦激江之句曹子建詩名冠古唯吟清夜之篇是知美稼千箱兩岐奚少繁絃九變大濩殊稀入華林而珠樹非多閱衆籟而紫籥唯一所以賴芳林下拾翠巖邊沙之汰之始辨辟寒之寶載雕載琢方成瑚璉之珍故知領下採珠難求十斛管中窺豹但取一斑自國朝大手名人以至今之作者或百篇之內時紀一章或全集之中微徵數首但撮其清詞麗句錄在西齋莫窮其巨派洪瀾任歸東海總其記得者才子六百五十八誦得者名詩三百首長樂暇日陋巷窮時聊撼膝



以書紳匪積心而就簡蓋詩中鼓吹名下笙簧擊臆氏之鐘霜  
清日觀淬雷公之劍影動星津雲間分合壁之光海上運摩天  
之翅奪造化而雷雲崖起後鬼神而風雨奔馳但思其食馬啜  
肝徒云染指豈慮其鯨魚去乙或至傷鱗自慚乎鰓腸易盈非  
嗜其熊蹯獨美然則律者既採繁者是除何知黑白之鵝漁議  
潘灑之水左太冲十年三賦未必無瑕劉穆之一日百函焉能  
盡麗是知班張屈宋亦有蕪詞沈謝應劉猶多累句雖道妍可  
惜而備載斯難亦猶執斧伐山止求嘉木挈瓶每但汲井泉  
等同於風月烟花各是其植梨橘柚昔姚合所

立集一卷

傳於當代已盡精微今更採其玄者勒成又立集三卷記与流  
而目眩閱麗水而神疲魚兔雖存筌蹄是棄所以金盤飲露唯  
採沆漚之精花界食珍但享醍醐之味非獨資於短見亦可貽  
於後昆採實去華俟諸來者



林黃蠶之赫莽界食食  
面目頹閏翼水而輒  
與盡誅澌合更林其  
文

樂府雜詩序

盧照鄰

聞夫歌以詠言庭堅有歌虞之曲頌以紀德奚斯有頌魯之篇  
四始六義存亡播矣八音九闋哀樂生焉是以叔譽聞詩驗同  
盟之成敗延陵聽樂知列國之典彝王澤竭而頌聲寢霸功衰  
而詩道缺秦皇滅學星瑄千年漢武崇文市朝八變通儒作相  
徵博士於諸侯中使驅車訪遺篇於四海發詔東觀縫掖成陰  
獻書南宮槃鉛踵武王風國詠共驪翰而升沈里頌途歌隨質  
文而沿革少卿長別起高唱於河梁平子多愁寄遙情於壠坂  
南浦動關山之役作者懸離東京興黨錮之誅詞人哀怨其後



鼓吹樂府新聲起於鄴山山水風雲逸韻生於江左言古興者  
多以西漢爲崇議今文者或用東朝爲美落梅芳樹共體千篇  
隴水巫山殊名一意亦猶負日於珍狐之下沈瑩於燭龍之前  
辛勤逐影更似悲狂罕見鑿空曾未先覺潘陸顏謝蹈迷津而  
不歸任沈江劉來亂轍而彌遠其有發揮新題孤飛百代之前  
聞鑿古人獨步九流之上自我作古粵在茲乎樂府者侍御史  
賈君之所作也君升堂入室踐龜宇以長驅藏翼蓄鱗展龍圖  
以高視林宗一見許以王佐之才士季相看知有公卿之量南  
國蛟龍之燿下觸詞鋒東家科斗之書來游筆海朝陽弄翮卽  
踐中京太行垂耳先鳴上路當赤縣之樞鑰作高臺之羽儀動  
息無格於溫仁顛沛安由乎正義玉墀伏奏謹依汲冢之聞銅  
術埋輪先定雍門之罪霜臺有暇文律動於京師繡服無私錦  
字飛於天下九成宮者信天子之殊庭羣仙之一都也五城旣  
遠得崑閩於滄京三山已沈見蓬萊於右輔紫樓金閣雕石壁  
而鏤羣峰碧甃銅池俯銀津而橫衆壑離宮地險丹欄四周微  
道天迴翠屏千仞徧尉寢蒙茸之署將軍無刁斗之警中巖罷  
煥飛霜爲之夏凝太谷生寒層淮以之秋沍天子萬乘驅鳳輦  
於西郊羣公百僚扈龍軒而北輔春秋絡繹冠蓋滿於青山寒



暑推移旄節諠於黃首夕宿雞神之野朝登鳳女之臺青鳥時  
飛白雲無極千年啟聖邈同汾水之陽七日期仙頗類緱山之  
曲經過者徒知其美揄揚者未歌其事恭聞首唱遂屬洛陽之  
才俯視前修將麗長安之道平恩公當朝舊相一顧增榮親行  
翰墨之林光標唱和之道於是懷文之士莫不嚮風靡然動麟  
閣之雕章發鴻都之寶思雲飛綺札代郡接於蒼梧泉涌華篇  
岷波連於碣石萬殊斯應千里不違同晨風之馭北林似秋水  
之歸東壑洋洋盈耳豈徒懸魯之音郁郁文哉非復從周之說  
故可論諸典故被以笙鏞爰有中山郎徐令雅好著書時稱傳  
物探亡篇於古壁徵逸簡於道人撰而集之命予爲序時被巾  
三蜀歸臥一丘散髮書林狂歌學市雖江湖廊廟賓庶蕭條而  
綺季畱侯神交髮髯遂復驅逼幽憂之疾經緯朝廷之言凡一  
百一篇分爲上下兩卷俾夫舞雩周道知小雅之歡虞擊壤堯  
年識太平之歌詠云爾



入蜀紀行詩序

王勃

總章二年五月癸卯余自長安觀景物於蜀遂出褒斜之隘道  
抵岷峨之絕徑超玄谿歷翠阜迨隔月而臻焉若乃採江山之  
俊勢觀天地之奇作丹壑爭流青峰雜起陵濤鼓怒以伏注天  
壁嵯峨而橫立亦宇宙之絕者也雖莊周詫呂梁之險韓侯怯  
孟門之峻曾何足云蓋登培塿者起衡霍之心游涓澮者發江  
湖之思况乎躬覽勝事足踐靈區烟霞爲朝夕之資風月得林  
泉之助嗟乎山川之感名多矣余能無情哉爰成文律用宣行  
唱編爲三十首投諸好事焉



御藏錄三十首楚辭詩集

泉之祖契平山川之風會矣余猶論詩書之文翰用宣  
儒之思與平陳賈縵津以觀靈運賈魯穆之文寶風日於林  
孟門之刻會同吳安蓋登澤則善歌讀書之也補記  
聖則雖而湖立亦守古跡昔昔雖其風詩曰錄之刻料到  
對長雖大也之有許代總年流詩  
毋地如之縣許故文徐運翠阜  
蘇章三平正昌祭服余自吳武勝  
八師殊許枯乳  
耳

登祕書省閣詩序

楊炯

若夫麒麟鳳凰之署三臺四部之經周王羣玉之山漢帝蓬萊  
之室觀星文而考南北大象入於璇衡披帝冊而質龍神負圖  
出於河洛司先王之載籍掌制書之典謨劉向沈研揚雄寂寞  
之士於茲翰墨馬融該博傅毅文章之才此焉游處莫不出言  
斯善有道則尊黼黻其德行珪璋其事業心同匪石達人千載  
之交手握靈珠文士一都之會陶泓寡務紬素多閑命蘭芷之  
君子坐芸香之祕閣徒觀其重欄四絕閣道三休紅梁紫柱金  
鋪玉碣平看日月唐都之物候可知坐望山川裴秀之輿圖在



卽虹霓爲之回帶寒暑由其隔闕豈直崐崙十二瀛海千尋西  
州有百尺之樓東國有千秋之觀於時五行金王八月秋分風  
生閭闔之門日在中衡之道煙雲悽慘白露下而四郊空林野  
蒼茫青天高而九州迴登山臨水無非宋玉之詞高閣連雲有  
似安仁之興列芳饌命雕觴扼腕抵掌劇談戲笑假使神仙可  
得自葳松喬富貴在天終輕許史間之以博奕申之以詠譎陶  
陶然樂在其中矣登高而賦羣公陳力於大夫聞善若鶩下走  
自強於玄晏輕爲序引綴在辭章

李舍人山亭詩序

楊炯

永嘉有高陽公山亭者今爲李舍人別墅也廊宇重復樓臺左  
右煙霞棲梁棟之間竹樹在洲汀之外龜山對出背東武而飛  
來鶴阜相臨向東吳而不進青溪數曲赤巖千丈寥廓兮惚恍  
似蓬嶺之難行深邃兮眇然若桃源之失路信可謂赤縣幽棲  
黃圖勝景從來八子闢高陽之邑居今日四郊逢舍人之置驛  
故知樊冢失業遂作庾公之園習氏不游終成濮陰之地其人  
也凝脂點漆瓊樹瑤林學富文史言成準的葭苕爲漢帝之親  
凡蔣是周公之裔田孟嘗之待客照飯無疑孔文舉之邀歡樽



中自溢三冬事。隙五日歸休。奏金石而滿堂。名琳琅而觸目。心  
焉而醉德焉而飽。大隱朝市。本無車馬之誼。不出戶庭。坐得雲  
霄之致。於是乎百年無幾。萬事徒勞。唯談笑可以遣平生。唯文  
詞可以陳心賞。既因良會。咸請賦詩。雖向之所歡。已爲陳迹。俾  
千載之下。感於斯文。

致仕武賓客嵩山舊隱詩序

顧雲

賓客諱倬。緒則天皇后從姪也。天授中。封安平郡王。遷殿中監。  
出爲揚州大督府長史。聖曆中。棄官隱居嵩山。避榮寵也。想其  
始來。捫危選勝。駕迴栽基。鈿走伊波。控隱士飲牛之渚。螺排巖  
嶠。對仙人駕鶴之峰。移紫府之全模。寫清都之勝槩。王桃植柳。  
董杏栽壇。帳合蘿高。牀平石古。飛流界練。貫幽響於風湍。曙色  
張屏。挂清光於露壑。時或春花發盡。秋雨晴初。虛籟調風。斜牕  
印月。吞露華兮。漱煙液而樂天和。吟酒賦兮。唱琴歌焉。知帝力  
及龍圖去。呂龜鼎還。劉中宗皇帝。方欲訪道。崑巖鳴鑿。茨岫遙



飛鶴版親授蒲軒扣蓬藿之荒扉遠徵枚乘掃臯夔之右席強  
走巖陵莫不黃屋翹襟高霞疊夢由是輕鷗出浦明月離雲纔  
拜宸階旋登甲觀以公嘗棲洞府不喜塵機雖當挂珮垂紳愈  
若投羅觸罟及飛章上闕雪泣辭天帳祖席於青門轄仙裝於  
紫陌乃知飛霜匝野水崖留不死之蠶烈日熒溟珠岸有不枯  
之草故能振清風於臧里飛逸駕於雲達宜乎與祿產分鑿夷  
齊結轍比夫吞腥咽腐懷祿偷安者不亦優乎今則八桂森梢  
五芝零落立松崖而盡日不見王孫掃石壁以題詩別招逋客  
豈無來哲能紹玄蹤聊剖短章用旌高烈

堂陽亭子詩序

劉詠

堂陽縣者王超古封清漳大邑厥貢惟上其民實繁山川超絕  
於水經物產闢駢於地誌覽高海岸過田光春雪之言會出河  
魴動張翰秋風之思爲貨泉之藪澤乃煙月之津梁者焉其東  
亭也地壓上流名居勝境傍依古堞下瞰平原羅物象於檐楹  
簇江山於左右一川風景隨朝暮以長新四面煙花逐炎涼而  
各異至若春草碧春波青雲乍合雨初晴風颺柳花汀鷺起棹  
穿荷葉浦魚驚此景也桃源金谷謬得其名又若秋蓼紅秋水  
綠蒹菼香鳧鷗浴陌上人歌隴首詞月中漁唱江南曲此時也



青草洞庭比之不足故得蘭臺俊彥蓬島神仙或因稅駕之飲  
競縱臨川之賞乃有扶風員外悉皆留題粉壁著詠雕梁隋珠  
與趙璧相鮮鳳竹共鸞絲迭奏迴鏘詞律妙盡精華乃文苑之  
儀刑實翰林之圭臬詠竊窺宗伯強述荒蕪何異對烏兔而耀  
螢光見珠璣而銜魚目孰知不可安忍無言輒憑藤角之花少  
紀蘭臺之事白沙製序徒向慕於古人淥水栽詩竟有虧於先  
哲遂成一絕以廁羣英云爾

羣官尋楊隱居詩序

楊炯

若夫太華千仞長河萬里則吾土之壯於域中西漢十輪  
東京四代則吾宗之人物盛於天下乃有渾金璞玉鳳戟龍蟠  
方圓作其輿蓋日月爲其高麗天光下燭懸少微之一星地氣  
上騰發大雲之五色以不貪爲寶均珠玉以咳唾以無事爲貴  
比旂常於糞土諸侯不敢以交游相得三府不敢以辟命相期  
與夫形在江海心遊魏闕迹混朝市名爲大隱可得同年而語  
哉天子巡於下都望於中嶽軒皇駐蹕將尋大塊之居堯帝省  
方終全潁陽之節羣賢以公私有暇休沐多閒忽乎將行指林



壑而非遠莞爾而笑覺煙霞而在矚登峽北踐莓苔阮籍之見  
蘇門止聞鸞嘯盧敖之逢高士詎識鷲肩憶桑海而無時問桃  
源而易失寒山四絕煙霧蒼蒼古壑千年藤蘿漠漠誅茅作室  
挂席爲門石隱嶙而環階水潺湲而匝砌乃相與旁求勝境遍  
窺靈迹論其八洞竇曉明月之宮相其五山卽是交風之地他  
臺可望石室猶存極人生之勝踐得林野之奇趣杯浮若聖已  
茂松喬清論疑神坐鸞河漢游仙可致無勞郭璞之言招隱成  
文敢嗣劉安之作

三遊洞詩序

白居易

平淮西之明年冬予自江州司馬授忠州刺史微之自通州司  
馬授虢州長史又明年春各祇命之郡與知退偕行三月十日  
參會於夷陵翌日微之及棹送予至下牢戍又翌日將別未忍  
引舟上下者久之酒酣聞石間泉聲因舍棹進策步入缺岸初  
見石如疊如削其怪者如引臂如垂踵次見泉如瀉如灑其奇  
者如懸練如不絕綫遂相與維舟巖下率僕夫芟蕪割藟梯危  
繩滑休而復上者凡四五焉仰睇俯察絕無人迹但水石相薄  
磷磷鑿鑿跳珠濺玉驚動耳目自未迄戍愛不能去俄而峽山



昏景對輝燧出光氣含吐互相明滅晶瑩  
龍乘生其中雖有  
敏口不能名狀既而通夕不寐迨旦將去憐奇惜別且難且言  
知退曰斯境勝絕天地間其有幾乎如之何俯通津絲歲代寂  
寥委置罕有到者予曰借此喻彼可爲長太息者豈獨是哉豈  
獨是哉微之曰誠哉斯言矧吾人難相逢斯境不易得今兩遇  
於是得無述乎請各賦古調詩二十韻書於石壁仍命序序而  
紀之又以吾三人始遊故目爲三遊洞洞在陝州上三十里北  
降下兩崖相廡間欲將來好事者知故備書其事

送徐徵事詩序

楊炯

徐學士風流倩倩容貌堂堂汝南則顏子更生洛下則神人重  
出書有萬覽之者實符於鄭玄州有九游之者頗類於班固懷  
岐嶓之舊迹想江漢之遺風粵在永淳元年孟夏四月始以內  
率府錄事出攝蒼溪縣主簿同彼漆園之莊周聊居賤職異乎  
安定之梁竦不憚勞人駢駢而欲行紛紜而戒道是日也鶴鳴  
于野龍升于天詩成流火之文易占清風之卦聖主以叶時同  
律義在於省方皇儲以守器承祚任隆於監國留臺務靜博望  
時閒於是久敬之善交平生之故友臨御溝而帳飲就離亭而



出宿居戒別易坐覺悲來平原三客迫于高而已遠河上諸公  
饑林宗而有慕兩鄉風月萬里江山修路爲下泣之思長天非  
寄愁之所何以處我戒之必賦何以贈行上路不拜孫子荆傾  
國之送豈若是乎潘安仁金谷之篇盡於斯矣

荆潭裴均坊憲唱和詩序

韓愈

從事有示愈以荆潭唱和詩者愈既受以卒業因仰而言曰夫  
和平之音淡薄而愁思之聲要眇歡愉之辭難工而窮苦之言  
易好也是故文章之作恒發於羈旅草野至若王公貴人氣得  
志滿非性能而好之則不暇以爲今公開鎮蠻荆統郡惟九常  
侍楊公領湖之南壤地二千里德刑之政竝勤爵祿之報兩崇  
乃能存志乎詩書寓辭乎詠歌往復循環有唱斯和搜奇抉怪  
雕鏤文字與韋布閭里顛顛專一之士較其毫釐分寸鏗鏘發  
金石幽眇感鬼神信所謂材全而能鉅者也兩府之從事與部



屬之吏屬而和之苟在編者咸可觀也宜乎施之樂章紀諸冊  
書從事曰子之言是也告於不書以為荆潭唱和詩序

詩書而類乎桂州詩集卷下

詩書而類乎桂州詩集卷下

而致文順不嫌以爲今公閱餘辭併將油

文章之外而分

而致文順不嫌以爲今公閱餘辭併將油

文章之外而分

溫河



